

TÉARMAÍ TAGARTHA TIONSCNAMH UIRBEACH EORPACH – GNÍOMHAÍOCHTAÍ NUÁLACHA

AN CHÉAD GHLAO AR THOGRAÍ
10/10/2022 – 19/01/2023

10.10.2022



Co-funded by
the European Union



1. RÉAMHRÁ.....	2
2. ÚDARÁIS INCHÁILITHE – CÉ GUR FÉIDIR IARRATAS A CHUR ISTEACH	3
2.1 AN CHÉAD CATAGÓIR.....	4
2.2 AN DARA CATAGÓIR	5
2.3 AN TRÍÚ CATAGÓIR.....	6
2.4 RIACHTANAIS CHOITEANNA D'ÚDARÁIS UIRBEACHA INCHÁILITHE	7
3. CUMHDACH TÉAMACH DON CHÉAD GHLAO AR THOGRAÍ EUI-IA	8
3.1 SAINMHÍNIÚ FORIOMLÁN AGUS COMHTHÉACS AN ÁBHAIR	8
3.2 BAINTE AGUS RÓL ÚDARÁIS UIRBEACHA	10
3.3 LEIDEANNA D'ÚDARÁIS UIRBEACHA.....	10
3.4 CUSPÓIRÍ BEARTAIS COMHTHÁTHAITHE	12
3.5 TÁSCAIRÍ TORTHAÍ AGUS ASCHUIR	13
4. CÉIMEANNA AN TIONSCADAIL	15
5. PRIONSABAIL CISTIÚCHÁIN	16
6. GINIÚINT AGUS FORBAIRT TIONSCADAIL	17
6.1 COMHPHÁIRTÍOCHT	17
6.2 LOIGHIC IDIRGHABHÁLA AGUS PLEAN OIBRE AN TIONSCADAIL	21
6.3 TACAÍOCHT SAINEOLAITHE	22
6.4 AISTRIÚ	23
6.5 CATAGÓIRÍ COSTAIS	26
7. PRÓISEAS IARRATAIS	27
8. PRÓISEAS ROGHNÚCHÁIN	28
8.1 SEICEÁIL INCHÁILITHEACHTA.....	29
8.2 MEASÚNÚ STRAITÉISEACH.....	30
8.3 MEASÚNÚ OIBRÍOCHTÚIL	31
8.4 CÓRAS SCÓRÁLA MEASÚNAITHE	32
8.5 CRITÉIR EISIATA D'IARRATASÓIRÍ DEONTAIS.....	33
9. CÉIM TIONSCNAIMH AGUS CONRADH	34
10. CONAS CÚNAMH A FHÁIL.....	35
11. EOCHAIRDHÁTAÍ	35

1. RÉAMHRÁ

Is cuid de phacáiste reachtaíochta an Bheartais Comhtháthaithe le haghaidh 2021-2027 é bunú an Tionscnamh Uirbeach Eorpach (a leagtar amach in Airteagal 12 de Rialachán Uimh. 2021/1058 ó Pharlaimint na hEorpa agus ó gComhairle an 24 Meitheamh 2021 faoin gCiste Forbraíochta Réigiúnaí na hEorpa agus faoin gCiste Comhtháthaithe¹ - Rialachán CFRE/CC) – uirlis de chuid an Aontais Eorpaigh, comharba an Tionscnamh Gníomhaíochtaí Nuálacha Uirbeacha a cuireadh i bhfeidhm le linn an chláirthréimhse 2014-2020. Is uirlis bhunúsach í an tionscnamh nuálach seo chun tacú le cathracha idir bheag agus mhór, chun cur lena n-acmhainní agus lena gcuid eolais, chun tacú leis an nuálaíocht agus chun réitigh nuálacha inaistrithe agus intomhaiste a fhorbairt do dhúshláin uirbeacha atá bainteach leis an Aontais Eorpaigh (AE). Is é an cuspóir deiridh ná nuálaíochtaí tástáilte a úsáid chun úsáide gnáth-chláir polasaithe Comhtháthaithe a spreagadh i limistéir uirbeacha, go háirithe i limistéir a fhaigheann tacaíocht ón gCiste Forbraíochta Réigiúnaí na hEorpa (CFRE) i dtaobh cuspóirí sonracha atá leagtha amach in Airteagal 3 de Rialachán CFRE/CC², agus chun acmhainní nuálaíochta cathracha a threisiú mar thairbhíthe nó idirghabhálaithe i gcomhair na gCistí seo a bhainistiú.

Is é ceann de phríomhchuspóirí an Tionscnaimh Uirbigh Eorpaigh (EUI), Snáitithe Gníomhaíochta Nuálacha (EUI-IA) ach go háirithe, ná leanúint ag tacú leis an Tionscnamh Gníomhaíochtaí Uirbeacha Nuálacha trí spás agus acmhainní a chur ar fáil d'údaráis uirbeacha ar fud na hEorpa chun réitigh dána nuálacha ar na dúshláin áitiúla idircheangailte agus casta i réimse na forbraíochta uirbí inbhuanaithe a aithint agus tástáil a dhéanamh orthu (trí treoirthionscadal). Tríd an EUI-IA, beidh an fhéidearthacht ag údaráis uirbeacha tástáil a dhéanamh ar conas a oibríonn smaointe nua neamhchruthaithe ó thaobh na praiticiúlachta de agus conas a fhreagraíonn siad do chastacht an fhíorshaoil. Leanfaidh cathracha comhpháirtithe ó thíortha eile (Comhpháirtithe Aistrithe) próisis agus torthaí na dtástálacha chun tacú le agus cur le hinaistritheacht agus in-mhacashamhailteacht na réitigh nuálacha tástáilte ar fud an AE.

Bacheart go dtapódh údaráis uirbeacha an deis atá á tairiscint ag an EUI-IA chun cuir chuige agus modhanna oibre nuálacha a thriail atá lasmuigh de raon na “gnáth-thionscnaimh” (a d'fhéadfaí a bheith maoinithe ag foinsí “traidisiúnta” maoinithe, lena n-áirítear gnáth-chláir CFRE). Ligeann EUI-IA do chathracha fréamhshamlacha gur féidir a thástáil i bhfíorshuíomhanna uirbeacha a dhéanamh de smaointe uaillmhianacha agus cruthaitheacha. Lena chur ar bhealach eile, féadfaidh an EUI-IA tacaíocht a thabhairt do threoirthionscadail a mbaineann riosca rómhór leo le go maoiníofaí iad ag foinsí traidisiúnta maoinithe, ar choinníoll go bhfuil siad thar a bheith nuálach agus turgnamhach.

¹ Rialachán (AE) 2021/1058 ó Pharlaimint na hEorpa agus ón gComhairle an 24 Meitheamh 2021 faoin gCiste Forbraíochta Réigiúnaí na hEorpa agus faoin gCiste Comhtháthaithe: <https://eur-lex.europa.eu/legal-content/EN/ALL/?uri=CELEX:32021R1058> Leagfar amach na cuspóirí CFRE sonracha a dhíreofar orthu i ngach Tionscnamh Uirbeach Eorpach –Gníomhaíochtaí Nuálacha, Glao ar Thograí.

² *Ibidem*.

Roghnaítear tionscadail EUI-IA trí Ghlaonna ar Thograí ar ábhar amháin nó níos mó ábhair arna moladh ag an gCoimisiún Eorpach(CE). Is ionann agus EUR 450 milliún buiséad CFRE ag an EUI, agus tá 75% den bhuiséad sin curtha i leataobh chun tacú leis an Snáithe EUI-IA. Féadfaidh gach tionscadal cómhaoiniú CFRE ar fiú EUR 5 mhilliún a fháil mar uasmhéid agus ní mór an tionscadal a chur i bhfeidhm laistigh d'uastréimhse 3.5 bliana.

Bainistíonn Ard-Stiúrthóireacht an Bheartais Réigiúnaigh agus Uirbigh (DG REGIO) an Choimisiúin an EUI faoi bhainistíocht indíreach. D'ainmnigh an Coimisiún an Réigiún *Hauts-de-France* (An Fhrainc) mar Eintiteas ar cuireadh cúram air, i dtaca le cur i bhfeidhm an EUI. Cruthaíodh Ardrúnaíocht Bhuan an EUI chun cabhrú leis an Eintiteas ar cuireadh cúram air agus chun an EUI a bhainistiú ar bhonn laethúil.

Faoi scáth na dTearmaí Tagartha reatha, tugann an tEintiteas ar cuireadh cúram air cuireadh do na húdaráis incháilithe tograí tionscadail a chur isteach i gcreat an chéad Ghlaon ar Thograí EUI-IA. Cuireadh buiséad tascach CFRE de EUR 50 milliún i leataobh don Ghairm Tograí seo.

Leagann an doiciméad reatha amach na riachtanais agus an próiseas le leanúint don chéad Ghlaon ar Thograí EUI-IA. Ba cheart é a léamh in éineacht leis an treoir EUI-IA, an Doiciméid Oibre Cúirtéise don Fhoirm Iarratais agus doiciméid eile atá foilsithe ar shuíomh an EUI agus a bhaineann leis an nGairm.

2. ÚDARÁIS INCHÁILITHE – CÉ GUR FÉIDIR IARRATAS A CHUR ISTEACH

Féadfaidh na húdaráis seo a leanas iarratas a chur isteach chun tacaíocht a fháil d'fhonn tabhairt faoin EUI-IA:

- **An chéad chatagóir:** Aon údarás d'aonad riaracháin áitiúil a shainítear de réir an leibhéil uirbithe (DEGURBA) *Eurostat* mar chathair, baile nó bruachbhaile (a dtagann le cód 1 DEGURBA nó cód 2 DEGURBA de *Eurostat*) a bhfuil ar a laghad 50 000 áitritheoir ina gcónaí ann.
- **An dara catagóir:** Cumann nó grúpa údaráis uirbeacha le stádas dleathach mar cheirtleán eagraithe déanta suas d'Aonaid Riaracháin Áitiúla, ina bhfuil cónaí ar fhorhmór (51% ar a laghad) na n-áitritheoirí in Aonaid Riaracháin Áitiúla mar a shainítear de réir an leibhéil uirbithe (DEGURBA) *Eurostat* mar chathracha, bailte nó bruachbhailte (a dtagann le cód 1 DEGURBA nó cód 2 DEGURBA de *Eurostat*) agus nuair is ionann agus 50 000 áitritheoir ar a laghad an chomhdhaonra iomlán.
- **An tríú catagóir:** Cumann nó grúpa údaráis uirbeacha gan stádas dleathach mar cheirtleán eagraithe, agus gurb Aonaid Riaracháin Áitiúla iad na húdaráis uirbeacha bainteacha go léir (Príomhúdarás uirbeach agus Údaráis Uirbeacha Comhlachaithe) a shainítear de réir an leibhéil uirbithe (DEGURBA) *Eurostat* mar chathair, baile nó bruachbhaile (a dtagann le cód 1 DEGURBA

nó cód 2 DEGURBA de *Eurostat*) agus nuair is ionann agus 50 000 áitritheoir ar a laghad an chomhdhaonra iomlán (Príomhúdarás uirbeach agus Údaráis Uirbeacha Comhlachaithe).

Ní féidir ach údaráis uirbeacha incháilithe amháin mar a shainítear thuas iad Foirm Iarratais a chur isteach i gcreat an chéad Ghlaao ar Thograí EUI-IA.

Tá an sainmhíniú ar Aonaid Riaracháin Áitiúla chomh maith leis an rangú de réir leibhéil uirbithe agus na figiúirí faoi líon na n-áitritheoirí bunaithe ar an eolas a sholáthraítear sa tábla Chomhfhreagrais EUI-IA “Tábla chomhfhreagrach LAU – NUTS 2021, AE-27 agus CSTE / na tíortha gur iarrthóirí iad. Bliain 2021”: https://www.urban-initiative.eu/sites/default/files/2022-10/EUI-IA_Call1_Correspondence_table.xlsx. Úsáidfear an tábla seo mar phríomhdhoiciméid tagartha don tSeiceáil Incháilitheachta. Iarrtar ar iarratasóirí féachaint ar an tábla Chomhfhreagrais chun a n-incháilitheacht a dheimhniú agus chun eolas a sholáthar faoi na hAonaid Riaracháin Áitiúla laistigh dá limistéir riaracháin agus faoi na figiúirí maidir le líon na n-áitritheoirí. Moltar go láidir féinmheasúnú incháilitheachta (bunaithe ar an tábla Chomhfhreagrais thuasluaite) a dhéanamh roimh an Fhoirm Iarratais a líonadh isteach. I gcás bearnaí, neamhréireachtaí nó amhrais maidir le léiriú na sonraí atá sa tábla Chomhfhreagrais EUI-IA, moltar d’iarratasóirí dul i dteagmháil leis an Ardrúnaíocht Bhuan roimh an Fhoirm Iarratais a líonadh amach agus a chur isteach. Le linn na nósanna imeachta roghnúcháin, déanfaidh an Ardrúnaíocht Bhuan an tseiceáil incháilitheachta a chur i gcrích bunaithe ar an eolas atá sonraithe san Fhoirm Iarratais amháin. I gcásanna go bhfuil éiginnteacht ann maidir le stádas incháilitheachta an iarratasóra, rachaidh an Ardrúnaíocht Bhuan i gcomhairle le gach páirtí iomchuí, lena n-áirítear *Eurostat*, chun an incháilitheacht a dheimhniú.

2.1 AN CHÉAD CHATAGÓIR

- Bardais/comhairlí cathracha/ceantair gurb ionann a limistéir riaracháin agus Aonad Riaracháin Áitiúil amháin. Sa chás seo rangófar an tAonad Riaracháin Áitiúil mar chathair, baile nó bruachbhaile de réir an leibhéil uirbithe (cód 1 agus/nó 2 sa tábla Chomhfhreagrais – sa cholún Leibhéil Uirbithe) agus 50 000 áitritheoir ar a laghad ann.
- Bardais/comhairlí cathracha/ceantair gurb ionann a limistéir riaracháin agus roinnt Aonad Riaracháin Áitiúil. Is amhlaidh atá sé do bhardais/comhairlí cathracha sa Phortaingéil, in Éirinn, sa Ghréig, i Málta agus sa Laitvia, áiteanna nach ionann an sainmhíniú *Eurostat* do ‘Aonad Riaracháin Áitiúil’ agus bardais/comhairlí cathracha ach aonaid fho-bhardais (paróistí) nó aonaid staidrimh (toghcheantair). Sa chás seo, ní fhéadfaidh an bardas/comhairle cathrach a bheith incháilithe ach más ionann an daonra iomlán ann agus 50 000 áitritheoir agus má tá cónaí ar an bhformhór (51% de na háitritheoirí ar a laghad) in Aonaid Riaracháin Áitiúla a shainítear mar chathracha, bailte nó bruachbhailte de réir an leibhéil uirbithe (cód 1 agus/nó 2 sa tábla Chomhfhreagrais – sa cholún Leibhéil Uirbithe).

2.2 AN DARA CATAGÓIR

Ceirtleáin eagraithe gur cumann/grúpaí d'údaráis uirbeacha iad a chomhlíonann na critéir seo a leanas:

- Aithnítear go hoifigiúil de réir dlí náisiúnta iad mar leibhéal rialtais áitiúil (atá éagsúil leis an leibhéal réigiúnach agus cúigeach) agus leis an dualgas ar na bardais/comhairlí cathracha dul isteach san eagraíocht fho-bhardais (mar sin de, ní áirítear cumainn dheonacha a bhunaítear le haghaidh sainchuspóir agus/nó do thréimhse teoranta sa chatagóir seo).
- Níl ach bardais/comhairlí cathracha iontu (mar sin de, ní áirítear cumainn atá institiúidí eile ar nós ollscoileanna, comhlachais tráchtála, srl. páirteach iontu sa chatagóir seo).
- Tá inniúlachtaí ar leith acu atá socraithe sa dlí náisiúnta, tarmligthe ag na bardais atá bainteach sna réimsí beartais iomchuí don tionscadal EUI-IA. Iarrtar ar chumainn tagairt sonrach don chreat dleathach náisiúnta a sholáthar. Beidh inniúlachtaí eisiacha ag ceirtleáin eagraithe i dtaobh dearadh agus cur i bhfeidhm réimsí beartais atá iomchuí don tionscadal EUI-IA.
- Struchtúr polaitíochta (le hionadaíocht indíreach ó bhardais bainteach) agus riaracháin (foireann speisialaithe) ar leith a bheith acu.

Samplaí de cheirtleáin eagraithe incháilithe i gcreat an EUI-IA ná:

- An Fhrainc: *Métropoles, Communautés Urbaines, Communautés d'Agglomération, Etablissements Publics Territoriaux* (EPT) agus *Communautés de Communes*.
- An Iodáil: *Città Metropolitane* agus *Unione di Comuni* amháin. Tabhair faoi deara nach bhfuil *Consorzi, Gruppi di Azione Locale* (GAL), *Convenzione dei Comuni* nó aon ceirtleán eagraithe eile nach measann reachtaíocht náisiúnta na hIodáile (*Testo Unico degli Enti Locali*) gur údaráis áitiúla iad incháilithe.
- An Ghearmáin: *Landkreise*.
- An Spáinn: *Mancomunidades* agus *Area Metropolitana Barcelona*. Tabhair faoi deara go meastar gur fhorais cúigí iad "*Diputaciones provinciales*" (rialtas cúigí) agus mar sin de, ní aithnítear mar cheirtleáin eagraithe incháilithe iad.
- An Phortaingéil: *Comunidades Intermunicipales* (CIMs).

Meastar gur cheirtleáin eagraithe iad Grúpaí Eorpacha um Chomhar Críochach (EGTC) a bhfuil comhpháirtíochtaí d'údaráis uirbeacha amháin acu (mar a shainítear thuas) agus a bhfuil inniúlachtaí ar leith acu i dtaobh polasaithe a dhearadh agus a chur i bhfeidhm atá iomchuí don Ghairm EUI-IA. Mar sin, is féidir leo iarratais a chur isteach i gcreat na Gairme Tograí EUI-IA mar Phríomhúdarás Uirbeach nó mar Údarás Uirbeach Comhlachaithe. Ní mheastar gur cheirtleáin eagraithe iad GECCanna a bhfuil comhpháirtíochtaí acu lena n-áirítear eagraíochtaí eile (m.sh.: Ballstáit, údaráis réigiúnacha, cumainn,

ollscoileanna srl.) agus ní féidir leo iarratas a chur isteach mar Phríomhúdarás Uirbeach nó mar Údarás Uirbeach Comhlachaithe ach is féidir leo páirt a ghlacadh sa tionscadal mar Pháirtithe Seachadtaí i dtogra curtha isteach ag údarás uirbeach incháilithe.

I gcreat an EUI-IA, meastar gurb údarás uirbeach aonair iad ceirtleáin eagraithe a dhéanann ionadaíocht do na bardais/comhairlí cathracha bainteacha go léir. Ar an ábhar seo, i dtogra tionscadail curtha isteach ag ceirtleán eagraithe, léireofar é mar Phríomhúdarás Uirbeach. Chun incháilitheacht cheirtleáin eagraithe a dheimhniú, seiceálfaidh an Ardrúnaíocht Bhuan gurb ionann líon na n-áitritheoirí agus 50 000 ar a laghad agus go bhfuil cónaí ar a bhformhór (51% de na háitritheoirí ar a laghad) in Aonaid Riaracháin Áitiúla atá bainteach leis an gceirtleán agus a shainítear mar chathracha, bailte nó bruachbhailte iad de réir an leibhéil uirbithe.

2.3 AN TRÍÚ CATAGÓIR

Féadfaidh aon chumann d'údaráis uirbeacha (cumainn d'údaráis uirbeacha, comhaontuithe críocha, dúichí forbraíochta, srl.) chomh maith le húdaráis uirbeacha aonair gan chomhaontú comhair foirmiúil ach atá toilteanach comhiarratas a dhéanamh iarratas a chur isteach nuair a aithnítear Príomhúdarás Uirbeach i measc na mbardas/gcomhairlí cathracha atá bainteach agus má ainmnítear na cinn eile mar Údaráis Uirbeacha Comhlachaithe.

Le bheith incháilithe, aithneofar gach údarás uirbeach (Príomhúdaráis Uirbeacha nó Údaráis Uirbeacha Comhlachaithe) atá bainteach mar Aonaid Riaracháin Áitiúla agus saineofar mar chathracha, bailte nó bruachbhailte iad de réir leibhéil uirbithe *Eurostat* (cód 1 DEGURBA nó cód 2 DEGURBA). I gcás údarás uirbeacha gurb ionann a limistéir riaracháin agus níos mó ná Aonad Riaracháin Áitiúil amháin, tá feidhm ag na rialacha céanna maidir leis an sainmhíniú ar an leibhéal uirbithe mar a leagtar amach i cuid 2.1. Ní gá an ghaolmhaireacht idir an Príomhúdarás Uirbeach agus na húdaráis Uirbeacha Comhlachaithe a chur ar bhonn foirmiúil tráth a cuirtear an Fhoirm Iarratais isteach. Sa chás go bhfaomhtar agus go dtugtar tacaíocht don togra, ní mór an ghaolmhaireacht a chur ar bhonn foirmiúil le Comhaontú Chomhpháirtíochta (Cuirfidh an Ardrúnaíocht Bhuan teimpléad ar fáil don Phríomhúdarás Uirbeach).

Léiríonn taithí roimhe seo go bhfuil baol ann do thionscadail aonair ó chumainn nó grúpála cathracha gan stádas ceirtleáin eagraithe, déanta de níos mó ná 3 údaráis uirbeacha (Príomhúdaráis Uirbeacha agus Údaráis Uirbeacha Comhlachaithe) nach bhfuil in aice láimhe soiléire a chailleadh agus deacrachtaí a bheith acu torthaí fiúntacha a bhaint amach. Mar sin de, moltar go mbeadh cumainn agus/nó grúpála údaráis uirbeacha (gan stádas ceirtleáin eagraithe) gur mian leo iarratas a chur isteach in aice láimhe agus go gcuirtear teorainn ar líon na n-Údarás Uirbeacha Comhlachaithe bainteacha.

2.4 RIACHTANAIS CHOITEANNA D'ÚDARÁIS UIRBEACHA INCHÁILITHE

Chomh maith leis na prionsabail a leagtar amach thuas do gach catagóir údarás uirbeach incháilithe, tá feidhm ag na prionsabail seo a leanas do gach údarás uirbeach incháilithe i gcreat an EUI-IA:

- Beidh gach údarás uirbeach lonnaithe i mBallstát AE.
- Ní fhéadfaidh ach údarás uirbeacha incháilithe mar a shainítear thuas Foirm Iarratais a chur isteach i gcreat na Gairme Tograí EUI-IA. Dearbhófar go bhfuil Foirm Iarratais atá curtha isteach ag Páirtí Seachadta neamh-incháilithe.
- Ní féidir údarás uirbeacha (mar a shainítear thuas) a ainmniú i dtogra tionscadail ach mar Phríomhúdarás Uirbeach agus/nó Údarás Uirbeach Comhlachaithe. Ní bhaineann an catagóir Páirtithe Seachadtaí ach le hinstiúidí agus/nó eagraíochtaí nach n-aithnítear mar údarás uirbeacha iad i gcreat an EUI-IA.
- Má tá cuir chuige comhéadain uirbeach-tuaithe nó réimse feidhme de dhíth ag réitigh nuálacha, d'fhéadfaí Aonaid Riaracháin Áitiúla a shainítear mar aonaid tuaithe de réir a leibhéal uirbithe (cód 3 DEGURBA *Eurostat*) a chur san áireamh mar Pháirtithe Seachadtaí. Tabhair faoi deara nach gcuirtear san áireamh líon nan-áitritheoirí chun an tairseach incháilitheachta íosta de 50 000 a shroicheadh. Ní mór an fáth a chuirtear Aonaid Riaracháin Áitiúla a shainítear mar tuaithe san áireamh a chur i láthair agus an t-údar a bhaineann leis a chur in iúl go soiléir ar an bhFoirm Iarratais.
- Ní féidir le húdarás uirbeach nó ceirtleán eagraithe a bheith bainteach ach i dtogra tionscadail amháin i gcreat gach Glao ar Thograí (fiú má chuirtear na tograí tionscadail seo isteach faoi ábhair éagsúla sa Ghlaao ar Thograí céanna). Tá feidhm ag an rial seo freisin i dtaobh Údarás Uirbeacha Comhlachaithe (ní féidir le bardas bheith bainteach ach i dtogra tionscadail amháin cé acu mar Phríomhúdarás Uirbeach nó mar Údarás Uirbeach Comhlachaithe atá sé).
- Ní féidir le húdarás uirbeacha a bhfuil tacaíocht faighte acu cheana i dtionscadal faofa ag an EUI-IA i gcreat Ghlaao ar Thograí roimhe seo Foirm Iarratais nua ar an ábhar céanna a chur isteach ar feadh fhad iomlán an Tionscnaimh.
- Ní mór d'údarás uirbeacha cloí leis na riachtanais le haghaidh eisiaimh ó rochtain ar chistí (tá tuilleadh sonraí ar fáil thíos i Roinn 8.5 "Critéir eisiaimh d'iaratasóirí deontais" agus i dTreoir EUI-IA, Caibidil 3.3 "Critéir eisiaimh d'iaratasóirí deontais").

Ní mheastar gurb Aonaid Riaracháin Áitiúla iad gníomhaireachtaí agus comhlachtaí atá go hiomlán nó i bpáirt faoi úinéireacht an bhardais/na comhairle cathrach, agus mar sin de, ní aithnítear mar cheirtleán eagraithe incháilithe iad. Mar sin féin, is féidir leis na heagraíochtaí seo páirt a ghlacadh sa Chomhpháirtíocht mar Pháirtithe Seachadta (tá tuilleadh eolais faoi ról agus freagrachtaí Páirtithe Seachadta sa Treoir EUI-IA, Caibidil 2.1.2 "Saintréitheacht an Tionscnaimh Uirbigh Eorpaigh – Páirtithe Gníomhaíochta Nuálacha").

I gcás cumainn nó grúpaí údaráis uirbeacha le stádas dleathach mar cheirtleáin eagraithe (an dara catagóir údaráis incháilithe – féach thuas le haghaidh sonraí), tabhair faoi deara go meastar gurb údarás uirbeach aonar an institiúid, na húdaráis uirbeacha bainteacha eile go léir san áireamh, i gcreat an EUI-IA. Mar sin de, liostófar an ceirtleán mar an Phríomhúdarás Uirbeach. I gcás cumainn nó grúpaí údaráis uirbeacha gan stádas dleathach ceirtleáin eagraithe (an tríú catagóir údaráis incháilithe – féach thuas le haghaidh sonraí), iarrtar ar na húdaráis uirbeacha bainteacha bardas amháin a ainmniú mar Phríomhúdarás Uirbeach agus na bardais eile a ainmniú mar Údaráis Uirbeacha Comhlachaithe.

3. CUMHDACH TÉAMACH DON CHÉAD GHLAO AR THOGRAÍ EUI-IA

Bunaíodh an EUI mar cheann de na huirlisí a chabhraíonn le Clár Oibre Uirbeach don Aontas Eorpach a chur i bhfeidhm – bealach fíorthábhachtach chun an Chairt Nua Leipzig a chur i bhfeidhm. Ag leanúint cur chuige an UIA, eagrófar glaonna EUI-IA ar ábhair leagtha amach ag an gCoimisiún arna dtógáil ar an gCairt Nua Leipzig agus ar thosaíochtaí an Choimisiúin, ag léiriú gné trasearnála, ar nós an t-aistriú glas agus an t-aistriú digiteach. Chun inléiteacht na dtionscadal EUI-IA a fheabhsú i dtaobh beartais Comhtháthaithe agus chun cistíocht CFRE a úsáid chun cur leis na tionscadail agus/nó macasamhlú a dhéanamh orthu, leagann na Glaonna ar Thograí EUI-IA amach na cuspóirí sonracha a bhaineann leis an mbeartas Comhtháthaithe ar a bhfuil an Glaoch dírithe. Beidh ar iarratasóirí aird ar leith a thabhairt chun an baint atá ag na réitigh a bheartaíonn siad tástáil a dhéanamh orthu le bheartas Comhtháthaithe i bhfianaise na gcuspóirí sonracha a léirítear. Sonraítear liosta táscairí (i.e. le húsáid agus le monatóireacht a dhéanamh orthu in éineacht le táscairí eile a shocróidh Páirtithe Tionscadail dóibh féin) chun tuiscint na n-iarmhairtí inmhianaithe ag leibhéal an tionscadail a éascú, agus chun torthaí comhiomlánacha ag leibhéal beartais nó leibhéal EUI-IA a chothú.

Don chéad Ghlaoch ar Thograí, féadfaidh iarratasóirí tograí tionscadail a chur isteach a dhíríonn ar an *Bauhaus* Eorpach Nua.

3.1 SAINMHÍNIÚ FORIOMLÁN AGUS COMHTHÉACS AN ÁBHAIR

Ceanglaíonn an tionscnamh [Bauhaus Eorpach Nua](#) (NEB), a sheol an Coimisiún in 2020, an [Comhaontú Glas don Eoraip](#) lenár spásanna maireachtála agus lenár dtaithí den saol mórthimpeall orainn agus léirítear ann an uaillmhian atá ag AE chun áiteanna, táirgí agus modhanna maireachtála áille, inbhuanaithe agus ionchuimsitheacha a chruthú. Spreagann sé modhanna maireachtála nua atá inbhuanaithe agus galánta. Mar sin de, cuirtear luas faoin aistriú glas in earnála éagsúla den gheilleagar, i gcumainn agus i ngnéithe eile dár saol laethúil. Is í an aidhm ná rochtain a sholáthar do gach saoránach ar earraí ciorclacha agus ar lú a lorg charbóin, a chabhraíonn le dúlra a athghinúint agus a chosnaíonn

an bhithéagsúlacht. Iarrann an tionscnamh NEB orainn go léir todhchaí inbhuanaithe agus ionchuimsitheach a shamhlú agus a thógáil le chéile atá go hálainn don tsúil, don inchinn agus don anam. Amharcann an NEB ar thionscadail, áiteanna, cleachtais agus taithí atá:

- **Álainn:** Le cuma dheas, agus atá spreagtha ag an ealaíon agus ag an gcultúr, a fhreagraíonn do riachtanais agus a chuireann feabhas ar chaighdeán an éispéiris seachas ar fheidhmiúlacht.
- **Inbhuanaithe,** ag teacht leis an dúlra, leis an timpeallacht agus lenár bpláinéad.
- **Ionchuimsitheach,** a spreagann idirphlé idir cultúir, disciplíní, inscní agus aoiseanna.

An 15 Meán Fómhair 2021, d'fhoilsigh an Coimisiún³ an Teachtaireacht a chuireann i láthair coincheap an NEB bunaithe ar thorthaí ón tréimhse chomhdheartha. Leagtar amach na céad céimeanna eile chun an tionscnamh a fhorbairt tuilleadh agus moltar sraith gníomhaíochtaí dírithe chomh maith le féidearthachtaí cistiúcháin. Aithníonn Iarscríbhinn II⁴ ón Teachtaireacht tionscnaimh iomchuí AE chomh maith le huirlisí cistiúcháin chun tacaíocht maoinithe a thabhairt do tionscadail claochlúcháin.

Agus aird á thabhairt ar an bhfíric gurbh pháirt lárnach de bheartas Comhtháthaithe iad claochlú agus tástáil ag an leibhéal áitiúil i gcónaí, léiríonn Iarscríbhinn II gealltanas DG REGIO roinnt tionscadail atá thar a bheith nuálach, agus a roghnaíodh sa chéad Ghlaó ar Thograí EUI-IA, a mhaoiniú.

Maoineoidh an chéad Ghlaó ar Thograí EUI-IA tionscadail chun **forshamplaí inlámhsithe a sholáthar d'idirghabhála NEB a dhéanann comhdhlúthú oiread agus is féidir ar na trí bunluachanna den NEB**, i. inbhuanaitheacht, ionchuimsitheacht agus áilleacht,⁵ de réir an chreata a mholtar sa Chompás NEB.

Mar sin de, ba cheart do na tionscadail eascairt as agus a bheith curtha i bhfeidhm trí phróisis **rannpháirteacha agus idirdhisciplíneacha** atá fréamhaithe ag an leibhéal áitiúil.

Déanfaidh an Ghlaó ar Thograí EUI-IA tástáil ar ár n-inniúlacht deiseanna a dhéanamh de dhúshláin uirbeacha reatha, dul i ngleic leis na dúshláin seo le réitigh comhtháite, an Comhaontú Glas don Eoraip a úsáid chun idirghabhála nuálacha a chur i bhfeidhm a chumasaíonn saoránaigh ionas go gcabhróidh siad le háiteanna glasa agus ionchuimsitheacha a dhéanamh dár gcathair, bailte agus pobail áitiúla. Trí dhíríú ar **áiteanna a bhfuil an acmhainneacht is mó acu beartais Comhtháite a spreagadh**, beidh sé mar aidhm ag an nGlaó ar Thograí EUI-IA **rogha na coitiantachta a aithint atá chun tosaigh i gclaochlú áiteanna NEB** agus i gcláir beartais Comhtháite a úsáid ar scála níos forleithne ar fud an Aontais Eorpaigh.

³ https://europa.eu/new-european-bauhaus/document/download/6d54623a-09c1-4a60-a8f5-7c292f679f69_en?filename=COM%282021%29_573_EN_ACT.pdf

⁴ https://europa.eu/new-european-bauhaus/document/download/cc1a6e27-9084-49e2-b6b5-66f8d35773d9_en?filename=COM%282021%29_573_2_EN_annex.pdf

⁵ Tugann an Compás NEB treoir maidir le hidirdhealú a dhéanamh idir cuir chuige ar fhealsúnacht agus ar mhodhanna oibre an NEB atá gnásúil (leibhéal 1) agus iad atá níos ilchasta (leibhéil 2 agus 3). Moltar an compás NEB a chur san áireamh nuair a smaoinear ar thograí tionscadail agus cur síos a dhéanamh air san fhoirm iarratais.

Cinnteadh an próiseas roghnúcháin deontais go mbeidh punann cothrom tionscadail a bhfuil ardchaighdeán cháilíochta ag baint leo agus a léiríonn an éagsúlacht tíreolaíoch, spásúil agus dhéimeagrafach atá ann i gcathracha na hEorpa.

3.2 BAINN AGUS RÓL ÚDARÁIS UIRBEACHA

Braitheann an Comhaontú Glas don Eoraip go mór ar ghníomhaíocht uirbeach chun a phríomhspríoc, i.e. a bheith neodrach ó thaobh charbóin de faoi 2050, a bhaint amach. Ídíonn cathracha níos mó ná 65% d'fhuinneamh an domhain agus tá siad freagrach as níos mó ná 70% de na hastaíochtaí domhanda CO₂. Chomh maith céanna, cuireann cathracha, mar fhearainn phoiblí, nuálaíocht stuama agus ceantair athléimneacha chun cinn, rud a ligeann d'institiúidí, do shealbhóirí socheacnamaíocha agus don tsochaí sibhialta i gcoitinne idirghníomhú mar éiceachóras riachtanach, atá réidh le cuir chuige NEB a chur i bhfeidhm ann.

Bhí na hacmhainní daonna agus airgeadais ag údaráis uirbeacha riamh mar mholanna chun smaoine claochlaitheacha agus tionscadail nua a spreagadh. Ligeann an oilteacht atá ag údaráis uirbeacha i bpleanáil agus i ndearadh uirbeach (uirlisí agus cleachtais ar nós ceadúnas tithíochta, iarfheistiú comharsanachta agus athúsáid oiriúnaitheach d'fhoirgnimh san áireamh), a saineolas maidir le bainistíocht talún, infreastruachtúir agus soghluaisteachta, chomh maith lena n-eolas sonrach faoi riachtanais agus inniúlachtaí áitiúla dóibh a bheith ar thús cadhnaíochta i dtaobh uailmhianta an NEB a chur i bhfeidhm san fhíorshaol.

Tá údaráis uirbeacha níos gaire do shaoránaigh agus do pháirtithe leasmhara, agus inniúlacht mhaith acu na sealbhóirí áitiúla éagsúla (idir eolaithe agus innealtóirí, idir ealaíontóirí agus dearthóirí, idir aisteoirí sna hearnála cultúrtha agus cruthaitheacha agus fiontraithe) a ghríosú agus dul i dteagmháil leis an bpobail. Tá siad bunriachtanach chun díospóireachtaí ar riachtanais áitiúla a threorú, naisc a chruthú, sineirgíocht a aimsiú, caidrimh a chothú idir disciplíní éagsúla agus tionscadail follasacha a dhéanamh de smaoine nua.

3.3 LEIDEANNA D'ÚDARÁIS UIRBEACHA

Ní bheidh an Glao ar Thograí EUI-IA saintreorach i dtaobh an chineáil togra a bhfuiltear ag súil leis. Mar sin féin, iarrtar ar chathracha smaoineamh ar na ceithre téama a bhfuil an acmhainneacht is mó acu chun réitigh nuálacha a ghineadh, **léiriú soiléir chun úsáid an bheartas Comhtháite a spreagadh i gceantair uirbeacha**, agus/nó cistí iomchuí a úsáid le haghaidh rannpháirtíocht, go háirithe infheistíochtaí ón CFRE de réir na cuspóirí sonracha a luaitear sna 'Cuspóirí beartais comhtháthaithe' (féach an chuid thíos).

Foirgníocht agus athchóiriú de mheon ciorclaíocht agus neodracht ó thaobh charbóin de: clúdaíonn an téama tionscadail a dhíríonn ar athchóiriú nó foirgníocht⁶ agus atá ag cuimhneamh ar neodracht nó dearfacht ó thaobh charbóin de nó ar ciorclaíocht iomlán. Seachas a fheidhmíocht i dtaobh astaíochtaí carbóin ó oibríocht fhoirgníochta, tá cur chuige shaolré iomlán chun cuimhneamh ar astaíochtaí ag baint leis. Éilíonn seo machnaimh ar conas tomhaltas fuinnimh a laghdú trí acmhainní áitiúla a chaomhnú nó a athúsáid, teicneolaíochtaí glasa a úsáid chomh maith le dramhaíl a laghdú agus/nó a claochlú. Ní mór do na tionscadail oibriú chun ailtireacht athghiniúnach a bhaint amach, rud a thugann ar ais níos mó ná a thógann sé agus a spreagann a n-úsáideoirí iompraíochtaí inbhuanaithe a chur orthu féin. Ní mór do na próisis foirgníochta agus athchóirithe seo bheith i bhfách le rannpháirtíocht (m.sh. le gníomhaíochtaí treoraithe ag saoránaigh a spreagadh) chomh maith le ionchuimsitheacht (m.sh. Cumais nua, poist, agus/nó ócáidí le haghaidh grúpaí atá faoi mhíbhuntáiste) i dtaobh inrochtaineacht (inacmhainneacht san áireamh) a urrú do chách, agus ba cheart aird faoi leith a thabhairt ar ghrúpaí atá faoi thearcionadaíocht. An cuspóir fadtéarmach ná samhail dlúthpháirtíochta agus comhair nua agus inathchruthaithe a mholadh. Faoi dheireadh, ní mór do na foirgnimh nua nó athchóirithe ardchaighdeán éispéiris a thabhairt seachas feidhmiúlacht amháin, braistint chómhuintearas agus aire a thabhairt do na húsáideoirí agus an pobail i gcoitinne (m.sh. tríd a n-aireachtáil chéadfach a chur san áireamh - m.sh. amhairc, tadhaill, éisteachta - agus comhrá a chruthú leis an gcomhthéacs reatha cultúrtha, sóisialta, agus nádúrtha).

Oidhreacht chultúrtha a chaomhnú agus a chlaochlú: clúdaíonn an téama tionscadail a bhfuil sé mar aidhm acu oidhreacht chultúrtha a chaomhnú agus comhrochtain orthu a áirithint, nó láithreáin oidhreachta le hard-chuspóir sóisialta (m.sh. le/do shaoránaigh, agus i measc grúpaí imeallaithe áirithe) agus le lorg charbóin íseal (i.e. cur chuige athghiniúnach i dtaobh foirgnimh le hoidhreacht cultúrtha agus/nó seirbhísí cultúrtha bainteacha a chaomhnú agus/nó a chlaochlú). Clúdaíonn an téama freisin úsáid agus comhcheangal stíl agus saineolas dhúchasach le teicneolaíochtaí nua chun go gcruthófar réitigh agus táirgí comhaimseartha atá nasc acu leis an oidhreacht áitiúil. D'fhéadfadh an bhéim seo ar oidhreacht chultúrtha deiseanna a chur ar fáil chun ár suim sa stair a athmhúscailt, chun gaolmhaireachtaí nua idir áiteanna agus daoine a chruthú agus ligean dúinn ar fad ár stíl maireachtála reatha agus sa todhchaí a athchóiriú.

Foirgnimh a athrú agus a chlaochlú chun go mbeidh réitigh tithíochta inacmhainne ann: clúdaíonn an téama tionscadail a dhíríonn ar fhoirgnimh dhíchoimisiúnaithe agus/nó fholmha a athrú agus a chlaochlú chun críche tithíochta trí theicnící nó ábhair nuálacha, cruthaitheacha agus/nó ealaíonta, agus próisis tógála inbhuanaithe a úsáid. Bheadh sé de chumas ag a leithéid de thionscadal dul i ngleic le bochtaineacht fuinnimh, tithíocht níos inacmhainne a chur ar fáil agus na coinníollacha a chruthú d'áitritheoirí (amach anseo) agus do ghníomhaithe áitiúla cinntí a dhéanamh ag gach céim de shaolré na bhfoirgneamh. Trí chomharsanachtaí nó láir chathracha dhíothacha a athbheochan, is féidir le tionscadail oiriúnaithe comh-fhorbartha dul i ngleic le dídhaoonrú agus/nó leithlisiú, muintearas agus cúram a neartú, cur le seasmhacht i leith na haeráide (comaitéireacht agus astaíochtaí gás ceaptha teasa iompair a laghdú) agus talún a úsáid ar modh níos inbhuanaithe (sraoilleáil uirbeach a sheachaint).

⁶ Beifear ag súil leis na feidhmíochtaí athchúrsála is airde ó na tionscadail a bhfuil foirgníocht foirgnimh nua san áireamh.

D'fhéadfadh leis na tionscadail réitigh tithíochta nuálacha a chlúdach freisin atá mar phráinnfhreagraí sealadacha agus ardchaighdeán áilleachta agus inbhuanaithe acu.

Spásanna uirbeacha a athbheochan: clúdaíonn an téama tionscadail maidir le hathghiniúint uirbeach a chomhcheanglaíonn inbhuanaitheacht, áilleacht agus ionchuimsitheacht. D'fhéadfadh leis na tionscadail díriú ar athghiniúint ceantair uirbeacha atá tréigthe nó a bhfuildeacrachtaí (m.sh. easpa sábháilteachta) ag baint leo, ar athghiniúint láithreáin athfhorbraíochta le haghaidh cuspóirí lena n-áirítear athnádúrúchán cathracha agus forbairt infreastruchtúr glas, nó soláthar/uasghrádú rochtain uilíoch ar spásanna glasa agus/nó poiblí atá sábháilte, oscailte agus ionchuimsitheach. An cuspóir atá ag a leithéid tionscadail athghiniúnacha ná feabhas a chur ar inchónaitheacht na gcathracha. Mar sin de, ní mór iarracht a dhéanamh áiritheoirí a mhealladh le bheith páirteach i bpróisis comh-fhorbartha, go háirithe grúpaí nó pobail atá faoi thearcionadaíocht.

3.4 CUSPÓIRÍ BEARTAIS COMHTHÁTHAITHE

Ba cheart do thionscadail atá molta le maoiniú a fháil léiriú conas a chuireann siad le ceann amháin de na cuspóirí sonracha den bheartas Comhtháthaithe AE 2021-2027 (an ceann a bhfuil an baint is mó aige leis an réiteach molta):

- Cuspóir sonrach 2.1 “Éifeachtúlacht fuinnimh a chur chun cinn agus astaíochtaí gás ceaptha teasa a laghdú” (Eoraip níos glaise);
- Cuspóir sonrach 2.6 “An aistriú chuig geilleagar atá ciorclach agus tíosach ar acmhainní” (Eoraip níos glaise);
- Cuspóir sonrach 2.7 “Cosaint dúlra agus bithéagsúlachta a fheabhsú, infreastruchtúr glas go háirithe sa timpeallacht uirbeach a neartú, agus truailliú a laghdú” (Eoraip níos glaise);
- Cuspóir sonrach 4.3 “Ionchuimsitheacht shocheacnamaíoch a chothú i measc pobail atá imeallaithe, teaghlaigh ar ioncam íseal agus grúpaí atá faoi mhíbhuntáiste, lena n-áirítear daoine a bhfuil riachtanais speisialta acu, trí ghníomhaíochtaí comhtháite, lena n-áirítear seirbhísí tithíochta agus sóisialta” (Eoraip níos sóisialta agus níos ionchuimsithí);
- Cuspóir sonrach 4.6 “An ról atá ag an gcultúr agus ag an turasóireacht inbhuanaithe i bhforbairt eacnamaíoch, uilechuimsitheacht shóisialta agus nuálaíocht shóisialta a neartú” (Eoraip níos sóisialta agus níos ionchuimsithí);
- Cuspóir sonrach 5.1 “Forbairt shóisialta, eacnamaíoch, agus timpeallacht atá comhtháite agus ionchuimsitheach, cultúr, oidhreacht nádúrtha, turasóireacht inbhuanaithe agus sábháilteacht i gceantair uirbeacha a chothú” (Eoraip atá níos cóngaraí dá saoránaigh).

3.5 TÁSCAIRÍ TORTHAÍ AGUS ASCHUIR

Déanfar measúnú ar thograí tionscadail bunaithe ar a n-acmhainn torthaí inchreidte a bhaint amach agus ar iontaofacht na modheolaíochta a úsáidtear chun na torthaí seo a thomhas, i measc critéir eile.

I gcomhthéacs an Ghlaio ar Thograí EUI-IA reatha go háirithe, iarrtar ar údaráis uirbeacha sraith táscairí a leagadh amach a léiríonn ar bhealach imeasctha gach claochlú NEB idircheangailte a mholann siad infheistíocht a dhéanamh iontu.

Ina n-iarratais, féadfaidh údaráis uirbeacha tagairt a dhéanamh d'aon cheann de na táscairí a luaitear thíos, fad is a bhaineann sé lena smaointe tionscadail. Ní liosta forordaitheach ná uileghabhálach é. Áirítear táscairí nach mbaineann go heisiach le NEB ach gur féidir cabhrú chun torthaí inláimhsithe a chur in iúl. Ba cheart táscairí a bhaineann leis an tionscadal faoi leith a úsáid freisin, lena n-áirítear, mar shampla, táscairí a ligeann cáilíocht na bpróiseas nó leibhéal sástachta na ndaoine a mbaineann sé leo a mheas.

Tá saorchead ag údaráis uirbeacha táscairí a bhaineann go saineúil lena dtionscadal féin a leagadh amach fad is a ndéantar machnamh ar na táscairí sa liosta thuas, chun na hathruithe a bhfuil sé d'acmhainn ag an tionscadal baint amach a léiriú sa bhealach is soiléire agus is áitithí. Ní mór don tsraith táscairí na trí gnéithe den NEB agus na prionsabail bainteacha - rannpháirteachas, idirdhisiplíneacht agus rannpháirtíocht ar leibhéal éagsúla - a chlúdach ar bhonn fóinteach. Ní mór dó bheith mar bhunchloch chun an leibhéal rannpháirteachais, cumhachtú agus úinéireachta sa phobal, comhoibriú thar dhisciplíní, agus an leibhéal imeasctha trasearnála de thionscadail mholta a mheas.

Táscairí aschuir

- Táirgí agus seirbhísí nua cruthaithe (aonad tomhais: táirgí/seirbhísí nua);
- Infreastruchtúr ar tugadh tacaíocht dó (nua, athchóirithe, athraithe nó nua-aoisithe) (aonad tomhais, infreastruchtúir a tugadh tacaíocht dóibh);
- Trealamh nua cruthaithe agus/nó tacaithe (aonad tomhais: trealamh nua);
- Daoine ar tugadh tacaíocht dóibh (traenáil, breisoiliúint, tionlacan nó cúnamh) (aonad tomhais: daoine);
- Teaghaisí le feidhmíocht fuinnimh feabhsaithe (aonad tomhais: teaghaisí);
- Foirgnimh phoiblí le feidhmíocht fuinnimh feabhsaithe (aonad tomhais: méadair cearnacha);
- Infreastruchtúr glas a tugadh tacaíocht dó chun críche nach oiriúnú d'athrú aeráide iad (aonad tomhais: heicteáir);
- Achar dromchla talún athshlánaithe a tugadh tacaíocht dó (aonad tomhais: heicteáir);

- Toilleadh tithíochta sóisialta nua nó nua-aoisithe (aonad tomhais: daoine);
- Geallsealbhóirí atá bainteach in ullmhúchán agus cur chun feidhme chomhpháirtigh an tionscadail (aonad tomhais: rannpháirteachas geallsealbhóirí);
- Saoránaigh atá bainteach in ullmhúchán agus cur chun feidhme chomhpháirtigh an tionscadail (aonad tomhais: daoine);
- Spás oscailte cruthaithe nó athshlánaithe i gceantair uirbeacha (aonad tomhais: méadair cearnacha);

Táscairí torthaí

- Poist cruthaithe in eintitis a fhaigheann tacaíocht (aonad tomhais: coibhéis lánaimseartha bliantúla);
- Úsáideoirí seirbhísí, táirgí agus próisis digiteacha nua nó uasghrádaithe (aonad tomhais: úsáideoirí/bliain);
- Astaíochtaí ceaptha teasa measta (aonad tomhais: tonaí de choibhéis CO2/bliain);
- Dramhaíl bailithe go neamhspleách (aonad tomhais: tonaí/bliain);
- Dramhaíl athchúrsáilte (aonad tomhais: tonaí/bliain);
- Dramhaíl a úsáidtear mar amhábhair (aonad tomhais: tonaí/bliain);
- Talún athshlánaithe a úsáidtear le haghaidh limistéir ghlais, tithíochta sóisialta, chun críche eacnamaíocha nó le haghaidh úsáidí eile (aonad tomhais: heicteáir);
- Úsáideoirí bliantúla d'fhoirgnimh nua-aoisithe agus/nó foirgnimh athchóirithe mar thithíocht shóisialta (aonad tomhais: úsáideoirí/bliain);
- Cuairteoirí ar láithreáin oidhreachta chultúrtha a chaomhnaíodh agus/nó a chlaochlaíodh (aonad tomhais: cuairteoirí/bliain);
- Sciar geallsealbhóirí a ionadaíonn earnálacha na cruthaitheachta⁷ sa chomhpháirtíocht (aonad tomhais: céatadán geallsealbhóirí cruthaitheacha i measc na bpáirtithe);
- Leibhéal rannpháirteachais sroichte ag déanamh teagmháil le pobail áitiúla – eolas, comhairliúchán, comhdhearadh, comhchinneadh (aonad tomhais: céatadán den daonra áitiúil ar chuathas i dteagmháil leo go rathúil).

⁷ M.sh. Dearthóirí, ailtirí, ealaíontóirí.

4. CÉIMEANNA AN TIONSCADAIL

Tá 4 chéim i saolré tionscadail EUI-IA (féach Treoir EUI-IA le haghaidh sonraí):

- i. Cuimsíonn **Ullmhúchán don Tionscadail** (íoctha as le cnapshuim) na gníomhaíochtaí ar fad a bhaineann le tuilleadh mionsonraí a chur le hiarratas an tionscadail agus a chríochnaíonn leis an tionscadail a fhaomhadh le maoiniú na hÚdaráis EUI a fháil.
- ii. Maireann **an Chéim Tionscadail a Thionscnamh** (íoctha as le cnapshuim) 6 mhí agus tosaíonn sé i ndiaidh faomhadh oifigiúil an tionscadail. Níl ceangal ag an gcéim seo leis an gCéim fheidhmithe an Tionscadail. Déantar é roimh an tionscadail a chur i bhfeidhm go hoifigiúil agus díríonn sé ar ullmhacht an tionscadail a sheiceáil (iniúchadh *ex-ante* san áireamh), agus ar ghníomhaíochtaí bainistíochta tionscadail chun na coinníollacha a chruthú atá de dhíth chun tús agus cur i bhfeidhm éasca a bheith ann.
- iii. Maireann **Céim cur chun feidhme an Tionscadail** 3.5 bliana; tosaíonn sí tar éis an Chéim Tionscnaimh a chríochnú go rathúil agus maireann sí go dtí an dáta críochnaithe faofa de Chéim cur chun feidhme an Tionscadail.

Tabhair faoi deara go bhfuil difríochtaí áirithe ann i dtaobh fad Phacáistí Oibre an Tionscadail a cuireadh chun feidhme le linn Chéim cur chun feidhme an Tionscadail:

- **Pacáistí Oibre “Cothrománacha”:** Maireann Bainistíocht Tionscadail, Monatóireacht agus Meastóireacht, Cumarsáid agus Caipitliú ar feadh thréimhse iomlán Chéim cur chun feidhme an Tionscadail (3.5 bliana). Le linn an sé mhí deiridh den chéim cur chun feidhme (nuair atá tástáil phiolótach an réitigh nuálaí críochnaithe, i.e. nuair atá na Pacáistí Oibre Téamacha déanta). Meastar go ndíreoidh Pacáistí Oibre “cothrománacha” ar: achoimre agus measúnú a dhéanamh ar ghníomhaíochtaí tionscadail; conclúidí an tionscadail a ullmhú; achoimre agus measúnú breise a dhéanamh ar thorthaí an tionscadail agus ar na ceachtanna a foghlaimíodh agus caipitliú a dhéanamh orthu; leagáid an tionscadail a ullmhú trí mhachnamh a dhéanamh ar ionchais chun leanúint leis na réitigh tástáilte a d’éirigh leo agus uasghrádú a dhéanamh orthu nuair atá deireadh leis an maoiniú EUI-IA, réitigh nuálacha tástáilte a oiriúnú i gcathracha na bPáirtithe Aistrithe agus tuilleadh macasamhlaithe a dhéanamh orthu ar fud na hEorpa; mar aon leis an tuarasciú airgeadais.
- Féadfaidh Pacáistí Oibre Téamacha maireachtáil ar feadh tréimhse chomh fada le 3 bliana ar a mhéid agus ní mór dóibh críochnú 6 mhí roimh dháta críochnaithe Chéim cur chun feidhme an Tionscadail, ionas go ndéanfar measúnú ceart – mar a léirítear thuas – ar chonas a cuireadh an tionscadail i bhfeidhm agus ar an réiteach nuálach tástáilte le hoibriú i dtreo na cuspóirí agus na torthaí a bhfuiltear ag súil leo, forbairt

ar ghníomhaíochtaí aistrithe agus go mbainfear a thuilleadh tairbhe as gnóthú cuspóir an tionscadail.

- **Tosaíonn an Pacáiste Oibre Aistrithe 12 mhí ar a dhéanaí tar éis dháta tosaigh an tionscadail agus maireann sé go dtí deireadh na céime cur chun feidhme.** Ba cheart go gcinneadh an MUA agus na Comhpháirtithe Aistrithe tús an Phacáiste Oibre seo tar éis dóibh anailís a dhéanamh ar an am is indéanta agus is tairbhiúla chun an comhar a sheoladh. Ba chóir go ligfeadh sé do Chomhpháirtithe Aistrithe a bheith rannpháirteach ag an am is deise le linn na gcéimeanna tosaigh de chur i bhfeidhm an tionscadail.
- iv. Maireann an chéim **Dúnta Riaracháin** (clúdaithe ag cnapshuim) 3 mhí agus baineann sí le gach gníomhaíocht riaracháin a tharlaíonn i ndiaidh Chéime cur chun feidhme an Tionscadail chun an tionscadal a dhúnadh agus chun bailíochtú a fháil ar an insint agus ar na doiciméid tuarascála airgeadais. Tabhair faoi deara go bhfuiltear ag súil leis go mbeidh ionadaí(aithe) tionscadail EUI-IA ar fáil le linn na céime seo chun páirt a ghlacadh sna gníomhaíochtaí scaipthe agus sna gníomhaíochtaí i dtaobh caipitliú ar eolas a thionscnaíonn an Ardrúnaíocht Bhuan.

5. PRIONSABAIL CISTIÚCHÁIN

Prionsabal um chostais iomlána

Leanann EUI-IA an prionsabal um chostais iomlána. Ciallaíonn sé seo go bhfaigheann an tionscadal cómhaoiniú CFRE suas go 80% de na costais incháilithe, ní mór do gach Páirtí (Príomhúdarás Uirbeach agus Údarás Uirbeacha Comhlachaithe, Páirtithe Seachadta agus Páirtithe Aistrithe) a fhaigheann CFRE ar a laghad 20% d'íocaíochtaí poiblí nó príobháidigh a urrú chun an buiséad a iomlánú. D'fhéadfadh seo teacht óna chuid acmhainní féin nó ó fhoinsí eile (nach foinsí maoinithe eile AE iad). Féadfaidhíocaíocht ó Pháirtithe a bheith déanta i bhfoirm airgid agus/nó comhchineáil.

Íocaíochtaí CFRE

Is é atá sa scéim íocaíochta EUI-IA go príomha ná réamhíocaíochtaí CFRE agus aisíocaíochtaí costais eile a tabhaíodh:

- **Déanfar an chéad (réamh-)íocaíocht CFRE**, a chlúdaíonn 50% den deontas CFRE, leis an bPríomhúdarás Uirbeach laistigh de 90 lá tar éis na Céime Tionscnaimh a chríochnú go rathúil. Clúdaíonn an chéad réamhíocaíocht an dá cnapshuim don Phacáiste Oibre do Chéim Ullmhúcháin agus Tionscnaimh an Tionscadail. Is é atá sa cnapshuim foriomlán de EUR 100 000 costais incháilithe iomlána (EUR 80 000 ón CFRE) ná an cnapshuim EUR 25 000 (EUR 20 000 ón CFRE le haghaidh ullmhúcháin tionscadail agus cnapshuim EUR 75 000 (EUR 60 000 ón CFRE) don Chéim Tionscnaimh.

- **Déanfar an dara (réamh-)íocaíocht CFRE**, a chlúdaíonn 30% den deontas CFRE, leis an bPríomhúdarás Uirbeach tar éis Éilimh Airgeadais 1 lena n-áirítear caiteachas tionscadail bailíochtaithe ag an Rialúchán Céad Leibhéal (FLC) a chur isteach agus a fhaomhadh. Roimh bhailíochtú a fháil ón FLC, ní mór don chaiteachas a tuairiscíodh sroicheadh ar a laghad 35% den bhuiséad iomlán den tionscadail. Sa chás nach ionann caiteachas an tionscadail a bailíochtaigh FLC agus 35% de na costais incháilithe iomlán, íocfar an dara réamhíocaíocht CFRE ar bhonn *pro-rata*.
- **Déanfar an tríú íocaíocht CFRE**, a chlúdaíonn suas go 20% den deontas CFRE (seachas an chnapshuim atá curtha ar leataobh le haghaidh dúnadh riaracháin an tionscadail, féach thíos), leis an bPríomhúdarás Uirbeach tar éis faomhadh an 4ú Tuarascáil Bhliantúil (an ceann deireanach) agus nuair a bhailíochtaíonn an FLC an caiteachas tionscadail in Éileamh Airgeadais 2. Cuirfear an Tuarascáil Bhliantúil deireanach isteach, ar a dhéanfaí, mí tar éis Chéim cur chun feidhme an Tionscadail. Cuirfear an tÉileamh Airgeadais 2 (an ceann deireanach) isteach in éineacht leis an Tuarascáil Cháilíochtúil Deireanach ag deireadh na céime Dúnta Riaracháin. Sa chás nach ionann caiteachas an tionscadail atá bailíochtaithe ag an FLC agus 100% de na costais incháilithe iomlána, íocfar an tríú réamhíocaíocht CFRE ar bhonn *pro-rata*. Tá sé tábhachtach tabhairt faoi deara nach bhfuil an í an tríú íocaíocht bunaithe ar phrionsabal an réamhíocaíochta ach ar phionsbal chostais a tabhaíodh agus a íocadh a aisíoc. Mar sin de, ní mór do Pháirtithe Tionscadail a gcaiteachas a réamh-mhaoiniú le linn chéim deiridh cutha i bhfeidhm an tionscadail (níl seo clúdaithe ag an 80% den réamhíocaíocht a fuarthas). Cumhdaíonn an tríú híocaíocht cnapshuim EUR 20 000 an costas incháilithe iomlán (a chomhfhreagraíonn do EUR 16 000 CFRE), lena gcumhdaítear céim Dúnta Riaracháin an tionscadail.

6. GINIÚINT AGUS FORBAIRT TIONSCADAIL

6.1 COMHPHÁIRTÍOCHT

Mar a léirítear i gcuid 2 “Údaráis incháilithe – cé gur féidir iarratas a chur isteach”, ní fhéadfaidh ach údaráis uirbeacha incháilithe Foirm Iarratais a chur isteach i gcreat Ghlaio ar Thograí EUI-IA. Laistigh den EUI-IA, táthar ag súil go mbeidh baint dhíreach ag an bPríomhúdarás Uirbeach sa phróiseas tástála agus ról ceannasaíoch straitéiseach acu i bhforbairt an tionscadail EUI-IA trí Chomhpháirtíocht Tionscadail láidir a bhunú agus cathaoirleacht a dhéanamh uirthi chun go mbeidh an tionscadal inmharthana ar bhonn teicniúil, eolaíoch agus airgeadais.

Is é atá sa Chomhpháirtíocht Tionscadail ná:

- **Páirtithe Seachadta** – institiúidí agus eagraíochtaí tábhachtacha gur féidir leo cur le feidhmiú an tionscadail, a mbeidh ról gníomhach acu i gcur i bhfeidhm agus maoiniú na gníomhaíochtaí tionscadail trí íocaíocht a sholáthar i gcomhair an tionscadail (an sciar den bhuiséad deimhnithe ag Páirtí Tionscadail, i.e. an ráta cómhaoinithe);
- **Páirtithe Aistrithe** – cathracha a bhfuil suim acu foghlaim ón thástálacha agus macasamhail a dhéanamh ar réitigh nuálacha tionscadail EUI-IA tástáilte, tar éis don tionscadal a bheith curtha i bhfeidhm agus dearcadh seachtrach a thabhairt don bPríomhúdarás Uirbeach a bhfuil baint aige le hinaistritheacht agus le hin-mhacashamhailteacht an réitigh nuálach tástáilte;
- **Údará(i)s Uirbeacha Comhlachaithe (más ábhartha).**

Ní mór do gach Páirtí Tionscadail (Príomhúdarás Uirbeach nó Údaráis Uirbeacha Comhlachaithe, Páirtithe Seachadta agus Páirtithe Aistrithe) a fhaigheann maoiniú ón CFRE a n-íocaíochtaí féin a urrú.

Ní mór do gach Páirtí a bheith lonnaithe laistigh den Aontas Eorpach (ceadaítear do Pháirtithe Seachadta ó tíortha eile a bheith páirteach, ar choinníoll go bhfuil siad bunaithe i mBallstáit AE agus go bhfuil réasúnú soiléir ann i dtaobh buntáiste breise don tionscadal ag eascairt as). Beifear ag súil le go ndéanfaidh gach Páirtí atá bainteach a chomhoibriú a dhéanamh foirmeálta trí Chomhaontú Comhpháirtíochta a shíniú.

Príomhúdarás Uirbeach

Ní mór do thionscadail úinéireacht shoiléir a léiriú go bhfuil baint ghníomhach ag an údarás uirbeach i gcur i bhfeidhm na ngníomhaíochtaí agus sa chomhpháirtíocht áitiúil. Feidhmíonn an EUI-IA ar bhonn Phríomhúdarás Uirbeach a bheith freagrach do chur i bhfeidhm agus do bhainistíocht foriomlán an tionscadail ina iomláine. Tá an fhreagracht airgeadais agus dlíthiúil iomlán ar an bPríomhúdarás Uirbeach tríd an Eintiteas ar cuireadh cúram air. Tá a bhfreagracht féin ar Pháirtithe Tionscadail eile tríd an bPríomhúdarás Uirbeach. Déantar cur síos ar fhreagrachtaí na Comhpháirtíochta a dhéanann an Príomhúdarás ionadaíocht uirthi i gConradh Fóirdheontais idir an Príomhúdarás Uirbeach agus an tEintiteas ar cuireadh cúram air agus sa Chomhaontú Páirtíochta atá le síniú ag gach Páirtí atá bainteach tar éis don tionscadal a bheith faofa (agus ag Páirtithe Aistrithe tar éis dóibh a bheith roghnaithe). Ba cheart don Phríomhúdarás Uirbeach rannpháirtíocht gach Páirtí Tionscadail a chinntiú i ndearadh agus i gcur i bhfeidhm an tionscadail.

Údaráis Uirbeacha Comhlachaithe

Is féidir le haon cumann reatha d'údaráis uirbeacha (cumainn náisiúnta/réigiúnacha d'údaráis uirbeacha, cumainn nó comhaontuithe críocha, dúichí forbraíochta, srl.) a bhfuil nó nach bhfuil stádas dleathach ceirtleáin eagraithe acu chomh maith le húdaráis uirbeacha aonair nach bhfuil comhaontú comhoibrithe foirmiúil acu ach atá toilteanach comhiarratas a dhéanamh i gcreat an EUI-IA liostáil ar an bhFoirm Iarratais Aonad Riaracháin Áitiúil amháin mar Phríomhúdarás Uirbeach chomh maith leis na hAonaid Riaracháin Áitiúla eile a liostáil mar Údaráis Uirbeacha Comhlachaithe. Tá na húdaráis Uirbeacha

Comhlachaithe freagrach as gníomhaíochtaí ar leith a sholáthar agus táirgí/aschuir bainteacha a bhaint amach. Tá sciar de bhuiséad an tionscadail ag Údaráis Uirbeacha Comhlachaithe agus déanann siad tuairisciú ar na costais a tabhaíodh le haghaidh gníomhaíochtaí a sholáthar. Beidh eolas mionsonraithe faoi na húdaráis Uirbeacha Comhlachaithe (stádas dlíthiúil, taithí agus inniúlachtaí, daoine teagmhálacha, srl.) san Fhoirm Iarratais.

Moltar go mbeadh cumainn agus/nó grúpaí údaráis uirbeacha (nach bhfuil stádas ceirtleáin eagraithe acu) gur mian leo iarratas a chur isteach taobh lena chéile agus go mbeidh sé mar rún acu teorainn a chur ar líon na nÚdarás Uirbeacha Comhlachaithe bainteacha.

Déanann Údaráis Uirbeacha Comhlachaithe an caidreamh conarthach leis an bPríomhúdarás Uirbeach a chur ar bhonn foirmeálta tríd an Chomhaontú Comhpháirtíochta a shíniú, mar a dhéanann Páirtithe Tionscadail eile, tar éis don tionscadal a bheith faofa.

Tá sé indéanta agus, uaireanta tá sé inmhianaithe, bealaí nua comhoibrithe agus bealaí nua chun acmhainní a chur le chéile chun líon criticiúil inmhianaithe a shroicheadh le haghaidh comhchuspóra a bhaint amach agus mar sin de iarratas a chur isteach ar Ghlaio ar Thograí EUI-IA mar ghrúpa údaráis uirbeacha d'fhonn dinimic ceantair uirbeacha feidhme a fhorbairt.

Páirtithe Seachadta

Aithnítear forbairt comhpháirtíochta láidir idir oifigí poiblí, an earnáil phríobháideach agus an tsochaí sibhialta (saoránaigh agus áitritheoirí san áireamh) go forleathan mar bhunchloch na forbartha inbhuanaithe uirbí. Ag brath ar an bhfadhb nach mór aghaidh a thabhairt uirthi agus bunaithe ar an gcomhthéacs áitiúil agus ar thaithí roimhe seo, ba cheart do Phríomhúdaráis Uirbeacha meascán éagsúil de Pháirtithe ábhartha a éascú chun a bheith rannpháirteach (institiúidí, gníomhaireachtaí – fiú má tá siad faoi úinéireacht iomlán bardais/comhairlí cathracha, institiúidí ardoideachais, páirtithe san earnáil phríobháideach, infheisteoirí, institiúidí taighde, eagraíochtaí neamhrialtasacha, srl.), Páirtithe ar atá de dhíth chun an réiteach nuálach mholta a sholáthar, chun cuspóirí an tionscadail a bhaint amach agus chun iarmhairtí fadtéarmacha i dtaobh na hinbhuanaitheachta a chinntiú. Ba cheart do Pháirtithe Seachadta taithísaineolas iomchuí a bheith acu chun cur leis an saineolas atá ann cheana laistigh den Phríomhúdarás Uirbeach agus chun luach a chur leis an tionscadal ina iomláine. Má tá tionscadail chun dul i ngleic leis na dúshláin a fhéachann na geallsealbhóirí agus spriocghrúpaí orthu mar na dúshláin is práinní, má tá siad chun a bheith fíorcheanródaíoch, nuálach, agus tiomanta chun réitigh tástáilte a chur i bhfeidhm ar scála níos forleithne nuair atá an tionscadal críochnaithe, ba cheart dóibh a bheith ag iarraidh tairbhe a bhaint as an saineolas atá ann lasmuigh de na húdaráis uirbeacha san éiceachóras áitiúil mar aon le tacaíocht ó infheisteoirí poiblí agus/nó príobháideacha a bhfuil suim acu a bheith ina bPáirtithe comhlachaithe.

Ba cheart don Chomhpháirtíocht a bheith cothrom agus comhlántach i dtéarmaí inniúlachtaí beartais agus téama. Ba cheart do na comhpháirtíochtaí comhtháthú cothrománach a spreagadh (lena n-áirítear gníomhaíthea thugann faoi na gnéithe éagsúla den dúshlán uirbeach gur gá dul i ngleic leis) agus comhtháthú ingearach (lena n-áirítear leibhéil rialála éagsúla). Níl ann do réiteach amháin a “oireann do chách”. Ba cheart d’iarratasóirí a bheith ar an eolas go bhféadaí níos mó dua agus acmhainní a bheith i gceist do Chomhpháirtíochtaí a bhfuil níos mó ná 10 bpáirtí iontu chun bainistíocht éifeachtach a

chinntiú.

Féadfaidh aon eagraíocht a bhfuil pearsantacht dlíthiúil acu ról an Pháirtí Seachadta a bheith acu i dtionscadal EUI-IA. Beidh ról gníomhach ag Páirtithe Seachadta indearadh agus i gcur i bhfeidhm an tionscadail agus tá siad freagrach as gníomhaíochtaí áirithe a sholáthar agus táirgí/aschuir áirithe a bhaint amach. Tá sciar de bhuiséad an tionscadail ag Páirtithe Seachadta agus déanann siad tuairisciú ar na costais a tabhaíodh le haghaidh gníomhaíochtaí a sholáthar. Ba cheart Páirtithe Seachadta a roghnú agus meas á léiriú don phrionsabal na trédhearcachta agus do phrionsabal an chomhionannais. Níl comhlachtaí comhairleoireachta a bhfuil forbairt agus bainistíocht tionscadal agus eagraíochtaí Eorpacha mar phríomhchuspóir acu ná iad gan fhoireann bhuiséadaithe (i. dearbhaíonn siad costais saineolais seachtracha amháin) i dteideal a bheith rannpháirteach i dtionscadal mar Pháirtithe Seachadta. Ní mór eolas mionsonraithe faoi na Páirtithe Seachadta (stádas dlíthiúil, taithí agus inniúlachtaí, daoine teagmhálacha, srl.) a thabhairt san Fhoirm Iarratais. I bprionsabal, féadfaidh Páirtí Seachadta a bheith bainteach le roinnt tograí tionscadail i gcreat an Ghlaio ar Thograí céanna ar choinníoll go dtugtar réasúnú soiléir go mbeidh ionchur an pháirtí sin agus ina bhuntáisteach do na tionscadail éagsúla atá i gceist.

Tabhair faoi deara nach gceadaítear údarais uirbeacha a mheas nó a liostáil mar Pháirtithe Seachadta, ach mar Phríomhúdarás Uirbeach nó mar Údarais Uirbeacha Comhlachaithe amháin, ar choinníoll go gcomhlíonann siad na critéir incháilitheachta thuasluaite.

Páirtithe Aistrithe

Is údarais uirbeacha iad Páirtithe Aistrithe agus is cuid den Chomhpháirtíocht Tionscadail iad le linn chur i bhfeidhm an tionscadail EUI-IA. Táthar ag súil go mbeidh 3 Pháirtí Aistrithe ag gach tionscadal EUI-IA arb as Bhallstáit nach Ballstát an Phríomhúdarais Uirbigh iad.

Féadfaidh aon údarás uirbeach d'aonaid riaracháin áitiúla a shainítear de réir an leibhéil uirbithe (DEGURBA) *Eurostat* mar chathair, baile nó bruachbhaile (a thagann le cód 1 DEGURBA nó cód 2 DEGURBA de *Eurostat*) agus atá lonnaithe laistigh den Aontas Eorpach a bheith ina Pháirtí Aistrithe. Níl aon líon íosta áitritheoirí (féadfaidh cathracha de gach méid a bheith ina bPáirtí Aistrithe).

An loighic atá ann maidir le cuireadh a thabhairt do Pháirtithe Aistrithe a bheith rannpháirteach sa Chomhpháirtíocht Tionscadail ná chun inoiriúnaitheacht an réitigh tástáilte a fhorbairt i gcomhthéacsanna uirbeacha eile san AE agus an seans macasamhlú a dhéanamh air thar lear agus é a cur i bhfeidhm ar scála níos forleithne go fadtéarmach a fheabhsú, b'fhéidir le maoiniú ó chlár beartais Comhtháthaithe agus ón CFRE go háirithe. Lena chois sin, d'fhéadfadh sé cur leis anmalartú eolais idir cathracha AE a fhorbairt agus gaolmhaireachtaí fadtéarmacha eatarthu a chothú. Ligfidh baint sa tástáil do Pháirtithe Aistrithe a bhféidearthacht nuálaíochta féin a neartú agus a n-acmhainneacht i dtaobh réitigh nuálacha a chur i bhfeidhm a fheabhsú (i dtéarmaí ábhair agus i dtéarmaí próisis) agus oiriúniú nó macasamhlú a dhéanamh ar chuid den phróiseas réitigh nuálacha tástáilte nó ar an bpróiseas iomlán ina gcathracha féin trí pháirt a ghlacadh sna gníomhaíochtaí aistrithe agus tairbhe a bhaint as réiteach a dtabharfaidh torthaí chomh maith le fadhbanna agus constaicí á shárú.

Táthar ag súil le go rachaidh Páirtithe Aistrithe isteach sa Chomhpháirtíocht tar éis na chéad bliana den

tionscadal a bheith curtha i bhfeidhm agus go mbeidh baint acu leis an bPacáiste Oibre ar Aistriú agus buiséad curtha ar leataobh dóibh.

Ní mór Comhpháirtithe Aistrithe a shainaitheint agus a roghnú agus táthar ag súil go dtabharfaidh siad gealltanas don Chomhpháirtíocht Tionscadail ar a dhéanaí le linn na Céime Tionscnaimh. Ba cheart tús a chur leis an gcomhar aistrithe, arna chur chun feidhme trí Aistriú an Phacáiste Oibre, nach déanaí ná 12 mhí ó thús de chur chun feidhme an tionscadail. Beidh buiséad seasta ag na Comhpháirtithe Aistrithe a leithdháilfear orthu.

Baint spriocghrúpaí agus geallsealbhóirí ar bhonn níos forleithne

Agus an tionscadal EUI-IA á fhorbairt agus le linn gach céim den tionscadal, ní mór **an grúpa níos forleithne de gheallsealbhóirí** a aithint agus páirt a thabhairt dóibh, **ag brath ar an gcineál tionscadail: pobail áitiúla, páirtithe sóisialta, comhlachtaí, eagraíochtaí neamhrialtasacha, saineolaithe, institiúidí, eagraíochtaí, daoine aonair, srl., chomh maith le spriocghrúpaí an tionscadail (i.e. ag brath ar an tionscadal: saoránaigh, oiliúnaithe, cuardaitheoirí poist, grúpaí leochaileacha agus/nó pobail imeallaithe, úsáideoirí seirbhís nó riarachán ar leith), gur féidir tionchar a bheith acu ar an tionscadal nó gur féidir leis an tionscadal tionchar a imirt orthu.** Tá sé ríthábhachtach do rathúlacht an tionscadail geallsealbhóirí a aithint, tuiscint a fháil ar an tionchar atá acu ar an tionscadal EUI-IA agus a riachtanais agus a bhfuil siad ag súil leis a chothromú. Mar sin de, ní mór d'údarais uirbeacha na geallsealbhóirí ábhartha go léir a thabhairt le chéile chun díriú isteach níos fearr ar na fadhbanna agus na riachtanais, chun aontú ar comhfhis nó athrú inmhianaithe gur cheart don tionscadal EUI-IA oibriú i dtreo agus a bhaint amach, agus chun réitigh agus gníomhaíochtaí nithiúla a dhearadh a rachaidh i ngleic leis na fadhbanna agus a spreagfaidh an t-athrú inmhianaithe. Baineann an grúpa níos forleithne de gheallsealbhóirí tairbhe as go díreach agus/nó go hindíreach ach níl ról díreach acu sa tionscadal EUI-IA a chur i bhfeidhm agus níor cheart iad a mheas mar pháirtithe an tionscadail EUI-IA. Mar sin de, níl aon bhuiséad ar leith ná freagrachtaí sonracha curtha ar leataobh dóibh i gcur i bhfeidhm an tionscadail ach meastar go bhfuil siad ábhartha agus ní mór dóibh a bheith rannpháirteach ar bhonn gníomhach (comhdhearadh) chun seachadadh éasca agus éifeachtach den tionscadal a chinntiú.

6.2 LOIGHIC IDIRGHABHÁLA AGUS PLEAN OIBRE AN TIONSCADAIL

Is léiriú é Loighic Idirghabhála an tionscadail EUI-IA ar thuiscint shoiléir agus dea-ullmhaithe ar chonas a bhfuiltear ag súil le go spreagfaidh gníomhaíochtaí beartaithe na hathruithe inmhianaithe agus na torthaí beartaithe. Is modh é chun cur síos a dhéanamh ar an sraith loighiciúil idir riachtanais tosaithe, ionchuir, gníomhaíochtaí an tionscadail, aschuir, torthaí agus tionchar deiridh. Is uirlis í chun struchtúr a chur ar idirghabhála casta agus chun measúnú tionscadail a ullmhú. Déanann an Loighic Idirghabhála cur síos ar: Cad é réasúnaíocht na hidirghabhála/an tionscnaimh? Cad iad na dúshláin/riachtanais a spreag an idirghabháil? Cad iad na fadhbanna atá le réiteach tríd an idirghabháil? Cad é an “t-athrú inmhianaithe”? Conas a mbainfear na hathruithe seo amach?

Tá comhpháirteanna straitéiseacha, feidhmíochta agus monatóireachta agus meastóireachta sa Loighic Idirghabhála:

- Cuimsíonn na comhpháirteanna straitéiseacha: cuspóir foriomlán, cuspóirí sonracha agus torthaí a bhfuiltear ag súil leo:
- Cuimsíonn na comhpháirteanna oibríochtúla: Plean Oibre an tionscadail, Pacáistí Oibre, gníomhaíochtaí, táirgí agus aschuir.

Míníonn **Plean Oibre an Tionscadail** an “conas” den tionscadal. Is treorcháipéis í a léiríonn conas tionscadal de do chuid a chur i bhfeidhm má fhaightear maoiniú dó. Briseann an Plean Oibre an tionscadal síos i bpríomhchéimeanna dá nglaothar Pacáistí Oibre, agus bristear síos na Pacáistí Oibre i gcéimeanna níos lú dá nglaothar gníomhaíochtaí. Tagann táirgí as gníomhaíochtaí agus tagann aschu(i)r as gach Pacáiste Oibre.

Is codanna tábhachtacha den Phlean Oibre iad na **Pacáistí Oibre**. Is iad na príomhcholúin den tionscadal agus cuimsíonn siad gníomhaíochtaí tionscadail bhainteach atá riachtanach chun comhpháirteanna áirithe den tionscadal a sholáthar agus chun aschuir tionscadail a tháirgeadh. Ba chóir an sraith Pacáistí Oibre seo a leanas a leanúint chun struchtúr a chur ar an tionscadal EUI-IA.

- Pacáiste Oibre don Chéim Ullmhúcháin agus Tionscnaimh
 - Pacáiste Oibre le haghaidh Bainistíochta Tionscadail
 - Pacáiste Oibre don Mhonatóireacht agus Meastóireacht
 - Pacáiste Oibre don Chumarsáid agus Caipitliú
 - Pacáiste Oibre Téamach
 - Pacáiste Oibre don Aistriú
 - Pacáiste Oibre maidir le Dúnadh
- Clúdaíonn na comhpháirteanna monatóireachta agus meastóireachta: táscairí aschuir agus táscairí toraidh.

6.3 TACAÍOCHT SAINEOLAITHE

Bainfidh gach tionscadal a fhaigheann maoiniú i gcreat an EUI-IA tairbhe as tacaíocht Saineolaí EUI. Go sonrach, tabharfaidh Saineolaithe EUI:

- Comhairle agus treoirlíne ag leibhéal straitéiseach agus oibríochtúil faoin tionscadal agus faoin tionscadal a chur i bhfeidhm.
- Cúnamh maidir le forbairt cáipéisíochta agus aschuir tionscadail a léireoidh agus a scaipfidh eolas faoi ghnóthú cuspóir agus ionchais tar éis chur i bhfeidhm an tionscadail (poitéinseal don acmhainneacht inbhuanaitheacht, inscálaitheacht agus inaistritheacht), na ceachtanna a foghlaimíodh agus dea-chleachtais do lucht spéise níos forleithne d'fhonn cur chun feidhme na nuálaíochtaí is rathúla i gcathracha eile san AE a éascú.
- Rannpháirteachas agus rannchuidiú i ngníomhaíochtaí chaipitlithe agus scaipthe.
- Cúnamh chun an Pacáiste Oibre Aistrithe a chur i bhfeidhm

Soláthróidh na Saineolaithe EUI tacaíocht agus comhairle ar bhonn leanúnach le linn an próisis chun na tionscadail a chur i bhfeidhm agus le linn na céime dúnta.

Is daoine aonair iad na Saineolaithe EUI a bhfuil mioneolas acu ar na hábhair uirbeacha a bhaineann le gach Glao ar Thograí; tá taithí acu a bheith ag obair le húdaráis uirbeacha ar thionscadail a fhaigheann infheistíochtaí poiblí agus leis na tionscadail sin a fhóru; agus tuiscint mhaith acu ar chreat an bheartais Comhtháite agus taithí cruthaithe acu ar thástáil agus nuálaíocht uirbeach a thacú.

Íocann an EUI-IA go díreach as gach costas a bhaineann le gníomhaíochtaí na Saineolaithe EUI (costais taistil agus lóistín san áireamh). Mar sin de, níor cheart d'iaratasóirí buiséad chuige sin a thuar ina bhFoirm Iarratais.

6.4 AISTRIÚ

Príomhnuacht amháin atá ann i gcomparáid leis na tionscadail UIA maoinithe le linn an chláirthréimhse 2014-2020 ná daingniú na comhpháirte aistrithe trasnásiúnta mar chuid dhílis de tionscadail EUI-IA.

Tá sé tábhachtach an bhéim a chur faoin bpáirte gur phríomhaidhm na dtionscadail EUI-IA fós ná réitigh nuálacha a thástáil i gceantar áirithe, ach leis an gcomhpháirt nua seo táthar ag súil le go leanfaidh cathracha aistrithe ó thíortha eile (Páirtithe Aistrithe) próisis agus torthaí na tástála. Tá Pacáiste Oibre Aistrithe tiomnaithe san áireamh anois i ngach tionscadal EUI-IA, ina bhfuil gníomhaíochtaí, buiséid, táirgí insóláthartha agus aschuir ar leith.

Bunaíodh an EUI-IA chun tástáil réiteach nuálacha inaistrithe agus intomhaiste a aithint agus tacaíocht a thabhairt dóibh chun dul i ngleic le fadhbanna a bhaineann le forbairt uirbeach inbhuanaithe ag leibhéal an Aontais Eorpaigh. Aidhm eile atá ag an EUI-IA ná torthaí tástálacha a bhailiú agus a roinnt (trí thacaíocht a thabhairt do ghníomhaíochtaí aistrithe freisin) chun cumais nuálaíocha agus togáil faisnéise a fhorbairt i ngach ceantar uirbeach den AE. Is é an cuspóir ná go n-úsáideann cathracha AE eile na haschuir tionscadail EUI-IA chun tionchar an Tionscnaimh ina hiomláine a ardú, tairbhe a dhéanamh do

cheapadh beartais ar leibhéal éagsúla agus tacaíocht a thabhairt do chomhoibriú idir ceantair uirbeacha Eorpacha.

Ba cheart d'ionchorprú na comhpháirte aistrithe díriú ar:

- ligean do Pháirtithe Aistrithe pleanáil agus tástáil phíolótach an réitigh nuálach tástáilte a leanúint,
- ligean do Pháirtithe Aistrithe anailís a dhéanamh ar a gcomhthéacsanna uirbeacha áitiúla chun tuiscint níos fearr a fháil ar conas gur féidir réitigh nuálacha a leasú chun freastal ar na riachtanais agus na coinníollacha áitiúla,
- eolais agus taithí a roinnt idir na Páirtithe Tionscadail go léir,
- ionchuir tábhachtacha a roinnt gur féidir an dearcadh seachtrach a thabhairt don tionscadal EUI-IA agus Páirtithe Aistrithe a spreagadh,
- ullmhúchán cáipéisíochta déanta ag Páirtithe Aistrithe gur féidir cabhrú leo le macasamhlú an réitigh nuálaí sa todhchaí (cáipéisíochta le haghaidh Staidéar Féidearthachta agus Deiseanna agus doiciméadacht infheistíochta),
- ullmhúchán leagáid an tionscadail EUI-IA i bhfoirm samhail Réitigh Nuálaí - EUI déanta ag an bPríomhúdarás Uirbeach agus ag a bPáirtithe Tionscadail le húsáid ag cathracha AE eile atá suim acu sa réiteach nuálach.

Féadfaidh na gníomhaíochtaí thuasluaite a chur i gcrích tríd **an réimse modhanna oibre** seo a leanas a úsáid: cuairteanna ar an láthair, ceardlanna/cruinnithe/díospóireachtaí ar líne nó as líne, gníomhaíochtaí, athbhreithnithe píaraí, obair na bPáirtithe Aistrithe iad féin a ligeann dóibh a thuilleadh thairbhe a bhaint as an méid a bhfoghlaimíodh ón malartú aistrithe agus ullmhú chun macasamhlú a dhéanamh ar an réiteach nuálach sa todhchaí freisin, agus foirmeacha eile oibre agus comhoibrithe inmhianaithe.

Táthar ag súil le go n-ullmhaí Páirtithe Aistrithe na táirgí foghlamtha agus infheistíochta seo a leanas: **Suirbhé ar Acmhainn Aistrithe, Staidéar Féidearthachta agus Deiseanna Macasamhlaithe** – (ceann amháin do gach Páirtí Aistrithe). Tá cead acu freisin **cáipéisíocht infheistíochta agus cur i bhfeidhm infheistíochtaí phíolótacha ar scála beag** a mhaoiniú.

Táthar ag súil le go n-ullmhaí an Príomhúdarás Uirbeach **Samhail Réitigh Nuálaí -EUI** – doiciméad deiridh atá dírithe ar inaistritheacht agus intomhaisteacht an réitigh nuálaí tástáilte d'fhonn ligean do Pháirtithe Aistrithe (ach freisin do chathracha AE a bhfuil suim acu inti) foghlaim faoi thorthaí na tástála agus treoracha a fháil maidir le conas tabhairt faoi macasamhlú.

Déanfaidh an iarratasóir EUI-IA cinneadh i dtaobh buiséad iomlán an Phacáiste Oibre don Aistriú agus ní mór na nithe a leanas a bheith á gcuimsiú ann:

- buiséad curtha i leataobh don Phríomhúdarás Uirbeach, nó don Pháirtí Seachadta atá i gceannas chur i bhfeidhm an Phacáiste Oibre Aistrithe nó buiséad atá roinnte idir na Páirtithe ábhartha go léir:
- Buiséid le haghaidh gach Páirtí Aistrithe i bhfoirm cnapshuim – an tsuim iomlán de EUR 150 000 mar uasmhéid (EUR 120 000 CFRE agus rannchuidiú dílis de uasmhéid EUR 30 000).

Tá an fhreagracht ar an bPríomhúdarás Uirbeach maidir leis na Páirtithe ar mian leo imeascadh sa Chomhpháirtíocht a aithint agus a roghnú (mar aon leis an gcaoi a ndeachaigh an Príomhúdarás Uirbeach i gComhpháirtíocht leis na Páirtithe Seachadta). Ba cheart tús a chur cheana féin leis an bpróiseas chun Comhpháirtithe Aistrithe a shainaithint cheana féin ag céim an iarratais, nuair a iarrtar ar iarratasóirí limistéir uirbeacha Eorpacha eile a shainaithint a d'fhéadfadh tairbhe a bhaint as an réiteach atá beartaithe a mhacasamhlú iontu i bhfianaise na gcoinníollacha fabhracha maidir le haistriú (saintréith chomhchosúil, comhthéacsanna) nó a gcumas nuálaíochta a mhéadú; chun mionsaothrú a dhéanamh ar an gcaoi a n-aithneofar na Comhpháirtithe Aistrithe is oiriúnaí agus na Comhpháirtithe Aistrithe ionchasacha a shonrú, má tá siad sainaitheanta cheana féin, mar aon leis na bunspreagthaí/na bunréasúnaíocht. Ós rud é go bhfuil sé ar cheann de chuspóirí EUI-IA go n-úsáidfear aschuir an tionscadail i cathracha eile, rud a mhéadóidh tionchar an Tionscnaimh ina iomláine agus gurb é uailmhian EUI-IA macasamhlú na réiteach nuálach arna bhforbairt ag na tionscadail a mhéadú, tá sé tábhachtach gur féidir le tionscadail ag céim an iarratais próiseas dea-chomhoibrithe, réasúnaíocht agus spreagadh a léiriú chun na Comhpháirtithe Aistrithe is oiriúnaí a roghnú.

Ní mór Comhpháirtithe Aistrithe a shainaithint ar a dhéanaí le linn na Céime Tionscnaimh agus tá cur i gcrích rathúil na Céime Tionscnaimh coinníollaithe ag síniú Comhpháirtithe Aistrithe, ar a laghad, litreacha intinne.

Ní mór go gcuirfidh Roghnú na bPáirtithe Aistrithe san áireamh: (i) go mbeadh cothromaíocht i measc na cathracha atá rannpháirteach sa Chomhpháirtíocht (i dtaobh a méid (cathrach beaga, meánmhéid agus móra) agus a suíomh (réigiúin lagfhorbartha, réigiúin trasdula agus réigiúin níos forbartha)), agus (ii) chun na Páirtithe Aistrithe is ábhartha a thabhairt le chéile chun cáilíocht na gníomhaíochtaí macasamhlaithe a dheimhniú. **Mar sin de, ba cheart do roghnúchán na bPáirtithe Aistrithe prionsabail threoracha áirithe a leanúint:**

- Ba cheart do Pháirtithe Aistrithe teacht as Ballstáit éagsúla AE;
- Ba cheart do ar a laghad dhá chathair den cheithre chathair atá bainteach (an Príomhúdarás Uirbeach + na trí Páirtithe Aistrithe) a bheith suite i réigiúin lagfhorbartha nó i réigiúin trasdula⁸;
- Ba cheart go mbeidh cathracha de mhéideanna difriúla sa Chomhpháirtíocht.

Seolfar an Glao do Pháirtíochta Aistrithe 12 mhí tar éis tús chéime curtha i bhfeidhm an Tionscadail agus, mar aon leis an bpróiseas roghnúcháin, mairfidh sé sin suas go dtí sé mhí. Mairfidh cur i bhfeidhm

⁸ <https://ec.europa.eu/eurostat/web/regions/background>

an Phacáiste Oibre don Aistriú 30 mí agus táthar ag súil go dtosóidh sé ag an am céanna is a thosaíonn an próiseas chun Páirtithe Aistrithe a roghnú.

6.5 CATAGÓIRÍ COSTAIS

Is féidir le tionsadail an EUI-IA na catagóirí costais seo a leanas a úsáid:

- Foireann
- Oifig agus riarachán
- Taisteal agus lóistín
- Saineolas agus seirbhísí seachtracha
- Trealamh
- Infreastruchtúr agus oibreacha foirgníochta

Tugtar sainmhíniú ar gach catagóir costais sa Treoir EUI-IA, chomh maith le treoracha le haghaidh buiséadú agus tuairisciú. Moltar go láidir do Pháirtithe comhairle a lorg ón Ardrúnaíocht Bhuan má tá aon fhadhb maidir le incháilitheacht caiteachais nach bhfuil freagra ann ina leith sna rialacha reatha. Tabhair faoi deara go gcumhdaítear caiteachas na gComhpháirtithe Aistrithe le cnapshuim.

Ní mór do Rialaitheoir Céadleibhéil (FLC) an caiteachas a dhearbhaíonn an tionscadal a iniúchadh. Ní mór do thuairim neamhspleách an FLC dlíthiúlacht agus rialtacht an chaiteachais dearbhaithe, seachadadh táirgí agus seirbhísí, iontaofacht an chaiteachais dearbhaithe agus comhlíontacht chaiteachais agus oibríochtaí le rialacha náisiúnta, rialacha an EUI-IA agus an AE a chlúdach. Toisc go gceapann agus go n-íocann an EUI-IA an FLC go díreach, níor cheart don Chomhpháirtíocht tionscadail aon chostas rialacháin (iniúchta) a thuar agus buiséad an tionscadail á chur i dtoll a chéile. Eagróidh an FLC rialuithe ar na tionscadail ar an bhfód freisin. Ciallaíonn rialú ar an bhfód go **dtabharfaidh an FLC cuairt ar an tionscadal agus go gcinnteoidh sé gur tharla gníomhaíochtaí áirithe agus gur ceannaíodh seirbhísí, táirgí agus infheistíochtaí áirithe le linn an tionscadal a chur i bhfeidhm de réir an Fhoirm Iarratais faofa, agus gur cloíodh leis na rialacháin iomchuí.**

Mar a luaitear sna prionsabail chistiúcháin, leanann na tionscadail EUI-IA an prionsabal um “chostais iomlána”: faigheann an tionscadal cómhaoiniú CFRE suas go 80% de na costais incháilithe iomlána agus ní mór do gach Páirtí Tionscadail (Príomhúdarás Uirbeach nó Údarás Uirbeach Comhlachaithe, Páirtí Seachadta agus Páirtí Aistrithe) a fhaigheann CFRE íocaíocht airgeadais a urrú chun an buiséad a iomlánú agus an sprioc íocaíochta a shroicheadh (ar a laghad 20% de costais Páirtithe incháilithe).

Nuair a thagann na híocaíochtaí seo ó fhoinsí príobháideacha, ní thagann siad faoi chuimsiú dlí cúnaimh Stáit. Nuair a thagann na híocaíochtaí seo ó fhoinsí poiblí, agus nuair atá gníomhaíochtaí neamheacnamaíoch i gceist leis an tionscadal, ní mheastar an maoiniú do na gníomhaíochtaí seo a

bheith mar chúnamh Stát. D'ainneoin sin, nuair a thugann Ballstáit íocaíochtaí óna n-acmhainní poiblí do thionscadail a bhfuil “gníomhaíochtaí eacnamaíocha” ag baint leo, i.e. earraí agus seirbhísí a chur ar fáil ar an margadh, ní mór go mbeidh na tionscadail sin deartha ionas go gcloíonn aon íocaíocht phoiblí le rialacha Cúnamh Stáit ag gach leibhéal, is é sin ag leibhéal an úinéara, an cruthaitheora agus/nó oibreora an tionscadail nó saoráide. Sna cásanna sin, ní mór don chistiúchán poiblí bheith i gcomhréir leis na riachtanais a bhaineann le Rialachán *De Minimis*, nó leis na coinníollacha socruithe sa Rialachán Blocdhíolúine Ginearálta (GBER) nó leis an gCinneadh maidir le Seirbhísí ar mhaithe leis an Leas Eacnamaíoch i gCoitinne (SGEI).

Tá eolas sonrach faoi sholáthar poiblí agus cúnamh Stáit ar fáil sa Treoir EUI-IA.

7. PRÓISEAS IARRATAIS

Tá na doiciméid seo a leanas sa **phacáiste iarratais** don Chéad Ghlaó ar Thograí EUI-IA:

- Na **Téarmaí Tagartha** reatha atá ar fáil i ngach teanga AE. Mar sin féin, tabhair faoi deara go bhfuil tús áite ag an leagan Béarla sa chás go bhfuil neamhréireacht ann.
- Treoir EUI-IA (ar fáil i mBéarla amháin) gur gá tagairt fairsing a dhéanamh dó i dtaobh rialacha uileghabhálacha an Tionscnaimh.
- Treoir theicniúil faoin Ardán Malairte Leictreonach (EEP).
- Treoracha sonracha faoi conas an Fhoirm Iarratais a líonadh isteach atá ar fáil ar líne i ngach teanga AE ar an gcóras EEP. Mar sin féin, tabhair faoi deara go bhfuil tús áite ag an leagan Béarla sa chás go bhfuil neamhréireacht ann.
- Doiciméad Oibre Cúirtéise don Fhoirm Iarratais (leagan oibre den Fhoirm Iarratais agus den Bhileog Dhearbhaithe – doiciméad Word ar fáil i mBéarla amháin) mar uirlis le cabhrú sa phróiseas dréachtála iarratais.

Tá an cháipéisíocht go léir ar fáil ar shuíomh an EUI.

Tríd an EEP a úsáid, is próiseas 100% gan pháipéar é an próiseas iarratais (<https://eep.urban-initiative.eu/>). Is é atá san iarratas ná:

- **Foirm Iarratais:** Ní mór an Fhoirm Iarratais a líonadh isteach ar an ardán ar líne EEP. Tá codanna ann a léiríonn smaoineamh an tionscadail agus an réasúnaíocht ina leith (lena n-áirítear eolas faoi nuálaíocht an togra), an Chomhpháirtíocht (lena n-áirítear an Príomhúdarás Uirbeach, na Páirtithe Seachadta, na Páirtithe Aistrithe agus más ábhartha, na húdaráis Uirbeacha Comhlachaithe), na príomhchuspóirí agus na torthaí a bhfuiltear ag súil leo, an Plean Oibre beartaithe agus an buiséad. Ní féidir eagarthóireacht a dhéanamh agus iarratas a chur isteach

ach amháin le linn an Ghlaio ar Thograí oscailte. Tá roinnt nasc, foirmlí agus seiceálacha uathoibríocha san iarratas. Mar thoradh ar na gnéithe seo, taispeántar teachtaireacht earráide mura líontar an iarratas isteach i gceart, agus ní féidir é a sheoladh. Cabhraíonn seo leis an mbaol iarratais neamhincháilithe a chur isteach a laghdú go suntasach.

- **Iarscríbhinn:** Is féidir le hiarratasóirí iarscríbhinn amháin a uaslódáil sa chóras EEP agus beidh seo iata san Fhoirm Iarratais. D'fhéadfaí seo a bheith mar léarscáil a léiríonn an réimse idirghabhála, graf, grafaice eolais, srl. Tá sonraí ar fáil faoi chineál agus tomhas na cáipéise gur féidir iarscríbhinn a dhéanamh air sa Treoir EEP.
- **Bileog Dhearbhaithe:** Déantar an bhileog dhearbhaithe a ghiniúint go huathoibríoch ar an ardán ar líne nuair atá an Fhoirm Iarratais á líonadh isteach nó i ndiaidh di a bheith líonta isteach. Ní mór í a phriontáil, í a bheith sínithe ag ionadaí dlíthiúil de chuid an Príomhúdaráis Uirbigh, í a scanadh, agus í a uaslódáil chuig cuid H den Fhoirm Iarratas, i. An Bhileog Dhearbhaithe.

Moltar go láidir go líonann iarratasóirí an Fhoirm Iarratais isteach i mBéarla soiléir, cé gur féidir í a chur isteach in aon cheann de theangacha oifigiúla an AE. Ní mór tabhairt faoi deara go ndéanfar na Measúnuithe Straitéiseacha agus Oibríochtúla bunaithe ar an leagan Béarla den Fhoirm Iarratais (a bheidh aistrithe go Béarla ag soláthraí seachtrach ar chonradh don Ardrúnaíocht Bhuan, sa chás go gcuirfear an Fhoirm Iarratais isteach i dteanga eile). Ní féidir leis an Ardrúnaíocht Bhuan cáilíocht an aistriúcháin a chinntiú. Mar sin de, is ar phriacal an iarratasóra féin a bheidh sé. Lena chois sin, ní mór an Conradh Fóirdheontais, bainistíocht tionscadail, an tuarascáil foirmiúil, na príomhtháirgí agus gach cumarsáid leis an Eintiteas ar cuireadh cúram air agus leis an Ardrúnaíocht Bhuan bheith i mBéarla. Ní féidir an Fhoirm Iarratais a chur isteach gan an Bhileog Dhaingnithe.

Is é an spriocdháta deiridh chun an Fhoirm Iarratais agus an Bhileog Dhearbhaithe a chur isteach ná
19/01/2023, 14:00 CET

8. PRÓISEAS ROGHNÚCHÁIN

Tar éis d'iarratais a bheith curtha isteach, beidh gach ceann faoi réir próisis roghnúcháin a leanann na céimeanna seo a leanas:

1. Seiceáil incháilitheachta
2. Measúnú Straitéiseach

8.1 SEICEÁIL INCHÁILITHEACHTA

Nuair a dhúnann an Ghlaio ar Thograí EUI-IA, déanann an Ardrúnaíocht Bhuan seiceáil incháilitheachta ar gach iarratas a cuireadh isteach. Is iad na haidhmeanna atá ag an tseiceáil incháilitheachta ná cinntiú go gcloíonn na Foirmeacha Iarratais agus a n-iarscríbhinní leis na critéir incháilitheachta foirmiúla; measúnú breise ar iarratais neamhincháilithe a sheachaint; agus cóir comhionann a chinntiú do gach tionscadal a roghnófar le haghaidh maoiniú a fháil.

Is iad na critéir incháilitheachta EUI-IA ná na cinn seo a leanas:

1. Tá an Fhoirm Iarratais curtha isteach go leictreonach ar an Ardán Malairte Leictreonach roimh an spriocdháta a léirítear sna Téarmaí Tagartha don nGairm Tograí.
2. Tá an Fhoirm Iarratais líonta isteach ina hiomláine.
3. Is é atá san iarratasóir ná údarás uirbeach aonair d'Aonad Riaracháin Áitiúil a shainítear de réir an leibhéil uirbithe mar chathair, baile nó bruachbhaile (de réir cód 1 DEGURBA nó cód 2 DEGURBA ó *Eurostat*) agus nuair is ionann an daonra ann agus ar a laghad 50 000 áitritheoir

NÓ

Is é atá san iarratasóir ná cumann nó grúpa údarais uirbeacha le stádas dlíthiúil mar cheirtleáin eagraithe d'Aonaid Riaracháin Áitiúla, ina bhfuil cónaí ar fhoirmhór (51% ar a laghad) na n-áitritheoirí in Aonaid Riaracháin Áitiúla mar a shainítear de réir an leibhéil uirbithe (DEGURBA) *Eurostat* mar chathracha, bailte nó bruachbhailte (de réir cód 1 DEGURBA nó cód 2 DEGURBA ó *Eurostat*) agus nuair is ionann 50 000 áitritheoir ar a laghad agus an chomhdhaonra iomlán.

NÓ

Is é atá san iarratasóir ná cumann nó grúpáil údarais uirbeacha gan stádas dlíthiúil mar cheirtleáin eagraithe, agus gurb Aonaid Riaracháin Áitiúla iad na húdarais uirbeacha rannpháirteacha go léir (Príomhúdarás Uirbeach agus Údarais Uirbeacha Comhlachaithe) a shainítear de réir an leibhéil uirbithe (DEGURBA) *Eurostat* mar chathair, baile nó bruachbhaile (de réir cód 1 DEGURBA nó cód 2 DEGURBA ó *Eurostat*) agus nuair is ionann 50 000 áitritheoir ar a laghad agus an chomhdhaonra iomlán (Príomhúdarás Uirbeach agus Údarais Uirbeacha Comhlachaithe).

4. Cloítear leis an tréimhse incháilitheachta: cloíonn dáta críochnaithe an tionscadail le riachtanais na Gairme agus riachtanais an EUI-IA.
5. Cloítear leis na riachtanais i dtaobh buiséid uasta (EUR 5 mhilliún CFRE mar uasmhéid) agus leis an bprionsabal cómhaoinithe (íocaíocht de 20% ar a laghad urraithe ag an gComhpháirtíocht).

6. Is as Ballstáit AE do gach páirtí atá rannpháirteach (Príomhúdarás Uirbeach nó Údaráis Uirbeacha Comhlachaithe agus Páirtithe Seachadta).
7. Sa chás go bhfuil cumann nó grúpa údaráis uirbeacha gan stádas dlíthiúil mar cheirtleáin eagraithe, léirítear Príomhúdarás Uirbeach nó na hÚdaráis Uirbeacha Comhlachaithe san Fhoirm Iarratais.
8. Níl baint ag na húdaráis uirbeacha (Príomhúdaráis Uirbeacha agus/nó Údaráis Uirbeacha Comhlachaithe a chuireann iarratas isteach ach le togra tionscadail amháin i gcreat an Ghlaio ar Thograí céanna.
9. Níor roghnaíodh údaráis uirbeacha (Príomhúdaráis Uirbeacha agus/nó Údaráis Uirbeacha Comhlachaithe a chuireann iarratas isteach agus níor tugadh maoiniú dóibh ar an ábhar chéanna ó thionscnamh Gníomhaíochtaí Nuálacha Uirbeacha nó Tionscnamh Uirbeach Eorpach – Glao ar Thograí do Ghníomhaíochtaí Nuálacha.
10. Uaslódáladh Bileog Dhearbhaithe neamhleasaithe atá sínithe ag ionadaí dlíthiúil an Phríomhúdaráis Uirbigh ar an Ardán Malairte Leictreonach sa Chuid Bhileog Dhearbhaithe den Fhoirm Iarratais.

Mura gcloítear leis na riachtanais go léir mar atá leagtha amach thuas, beidh an t-iarratas neamhincháilithe agus ní dhéanfar aon mheasúnú breise air. Cuirfear scéala chuig iarratasóirí ag deireadh na Seiceála incháilitheachta faoin gcinneadh i taobh a n-iarratais (má tá sé ag dul ar aghaidh don chéad chéim eile nó nach bhfuil).

8.2 MEASÚNÚ STRAITÉISEACH

Beidh iarratais incháilithe agus inghlactha faoi réir Measúnú Straitéiseach le bheith déanta ag painéal Saineolaithe Seachtracha. Is ionann an Measúnú Straitéiseach agus **70%** den ualú a thugtar don measúnú tionscadail ina iomláine. Tá na critéir seo a leanas i gceist leis an Measúnú Straitéiseach:

- **Nuálaíocht agus ábharthacht (30%)** Cá mhéad gur féidir leis an iarratasóir a léiriú gur réiteach nua í an togra tionscadail a bhfuil luach sa bhreis aige i dtaca le hábhar an Ghlaio? Cá mhéad a bhaineann an réiteach leis an gcomhthéacs áitiúil agus le cuspóirí Bheartais Comhtháite?
- **Comhpháirtíocht agus comhchruthú (12%)** Cé chomh bainteach agus láidir is atá an Chomhpháirtíocht chun an réiteach mholta a chur i bhfeidhm agus chun na torthaí a bhfuiltear ag súil leo a bhaint amach. Cá mhéad rannpháirteachas ciallmhar agus comhchruthú ó gheallshealbhóirí, spriocghrúpaí agus saoránaigh atá ceadaithe ag an moladh?
- **Intomhaisteacht torthaí agus tionchair (12%)** Cé chomh sonrach agus réalaíoch is atá na torthaí a bhfuiltear ag súil leo agus cá mhéad is a léiríonn siad an tionchar a bhfuiltear ag súil leis go mbeidh ag an tionscadail ar an gcomhthéacs áitiúil agus ar thairbhíthe/úsáideoirí deiridh?

- **Inbhuanaitheacht agus uasghrádú (8%)** Cá mhéad a chabhróidh an tionscadal go buan chun dul i ngleic leis an dúshlán ainmnithe? Cé chomh féinchothaithe a bheidh an réiteach mholta tar éis a dháta deiridh agus cá mhéad féidearthachta atá ann uasghrádú a dhéanamh má chruthaítear go rathúil é?
- **Inaistritheacht (8%)** Cé chomh inaistrithe is a bheidh an tionscadal go dtí ceantair uirbeacha eile ar fud na hEorpa?

Léirítear na ceisteanna measúnaithe táscacha le haghaidh gach critéar sa Treoir EUI-IA, Caibidil 3.2 “Próiseas roghnúcháin”.

Mar thoradh ar an Measúnú Straitéiseach, déanann an Painéal de Shaineolaithe Seachtracha measúnú domhain ar na hiarratais agus déanann siad iad a rangú bunaithe ar an scóráil sa Mheasúnú Straitéiseach. Mar atá aontaithe leis an gCoimisiún, rachaidh iarratais atá thar tairseach áirithe sa rangú iomlán ar aghaidh chuig an Measúnú Oibríochtúil. Cuirfear scéala chuig iarratasóirí ag deireadh an phróisis Measúnaithe Straitéisigh faoin gcinneadh i taobh a n-iarratais (má tá sé ag dul ar aghaidh don chéad chéim eile nó nach bhfuil).

8.3 MEASÚNÚ OIBRÍOCHTÚIL

Déanann an Ardrúnaíocht Bhuan an Measúnú Oibríochtúil agus is ionann an measúnú agus 30% den ualú a thugtar don measúnú tionscadail foriomlán. Is í príomhaidhm an Mheasúnaithe Oibríochtúla ná stóinseacht an togra a mheas i.e.; an bhfuil údar leis, an bhfuil sé réalaíoch, seasmhach agus stuama, críochnúil, réidh le bainistiú ar bhealach éifeachtach agus le cur i bhfeidhm ar bhealach tapa agus an bhfuil luach ar airgead ag baint leis. Déanfar meastóireacht ar na critéir seo a leanas le linn an Mheasúnaithe Oibríochtúla:

- **Dearadh agus Loighic Tionscadail (12%)** Cé chomh réalaíoch, seasmhach agus stuama atá gnéithe (gníomhaíochtaí, táirgí, aschuir, táscairí) den Phlean Oibre? Cá mhéad a chuideoidh dearadh an tionscadail mholta leis na cuspóirí agus na torthaí a bhfuiltear ag súil leo a bhaint amach?
- **Indéantacht agus ullmhacht oibríochtúil an tionscadail (8%)** Cé chomh indéanta is atá an togra (chun a bheith curtha i bhfeidhm laistigh den tréimhse ama sonraithe) agus cé chomh réidh le hoibriú is atá sé?
- **Socrúithe eagrúcháin agus acmhainn oibríochtúil (5%)** Cé chomh oiriúnach is atá gníomhaíochtaí bainistíochta agus cumarsáide agus an dtacaíonn siad le cur i bhfeidhm foriomlán an tionscadail?
- **Buiséad (5%)** Cé chomh stuama agus comhréireach is atá an buiséad?

Léirítear na ceisteanna measúnaithe táscacha le haghaidh gach critéar sa Treoir EUI-IA, Caibidil 3.2 “Próiseas roghnúcháin”.

Tar éis an mheasúnaithe Oibríochtúil, faoi Choiste Roghnúcháin a fhanann sé an cinneadh deiridh a dhéanamh. Cuirfear scéala chuig iarratasóirí ag deireadh an phróisis Mheasúnaithe Oibríochtúla faoin gcinneadh.

8.4 CÓRAS SCÓRÁLA MEASÚNAITHE

Úsáidtear córas scórála le cabhrú le linn an phróisis chinnteoireachta. Sanntar scór idir 1 agus 10 do gach critéar ualaithe; ansin tugtar meánscór do gach tionscadal. Úsáidtear an scála scórála seo a leanas:

9-10 – sármhaith

7-8 – go maith

5-6 – measartha

3-4 – lag

1-2 – an-lag

Tabhair faoi deara má fhaigheann tionscadal níos lú ná, nó cothrom le 4 faoi chritéar measúnaithe ar bith, diúltófar go huathoibríoch agus ní phróiseálfar a thuilleadh é.

Úsáidtear an córas scórála ag cur na buanna sonracha de gach togra tionscadail san áireamh ach freisin, le díograis don phróiseas iomaíoch, ba cheart measúnú comparáideach a dhéanamh ar na tograí tionscadail eile a chuirtear isteach i gcreat an Ghlaio ar Thograí céanna. Dá thoradh sin, ní thugtar na scóir faoi seach d’iarratasóirí tograí tionscadail nár cuireadh ar an ngearrliosta iad don Mheasúnú Oibríochtúil nó nár faomhadh iad faoi dheireadh ach tugtar aiseolas mionsonraithe ar gach critéar a measúnaíodh dóibh.

Ní mór d’iarratasóirí tionscadail tabhairt faoi deara nach bhfuil teideal acu go huathoibríoch ar an deontas AE iomchuí má roghnaítear iad le linn an phróisis roghnúcháin. Mura gcloítear leis na coinníollacha sainmhínithe le linn na Céime Tionscnaimh (agus nach bhfuil an tionscadal réidh le hoibríocht a dhéanamh), coimeádann an tEintiteas ar cuireadh cúram air an ceart chun deireadh a chur leis an tionscadal agus é a bhaint den liosta EUI-IA de thionscadail faofa (le haghaidh tuilleadh sonraí, féach Treoir EUI-IA, Caibidil 4 “Tréimhse Tionscnaimh agus Conraitheoireacht”).

8.5 CRITÉIR EISIATA D'IARRATASÓIRÍ DEONTAIS

De réir Rialachán (AE, *Euratom*) 2018/1046 ó Pharlaimint na hEorpa agus ón gComhairle faoi na rialacha airgeadais a bhaineann le buiséad ginearálta an Aontais⁹, d'fhéadfaí go n-eisiafar iarratasóirí ón nós imeachta chun deontais a dhámhachtain má tá ceann amháin nó níos mó de na cásanna eisiata seo a leanas i gceist leis an bPríomhúdarás Uirbeach nó le duine nó daoine atá cumhachtaí ionadaíochta, cinnteoireachta nó rialaithe acu laistigh den Phríomhúdarás Uirbeach, nó daoine atá riachtanach chun an tionscadal a chur i bhfeidhm.

- féimheacht, dócmhainneacht nó nósanna imeachta foirceanta,
- sárú dualgais i dtaobh íocaíochtaí cánacha nó ranníocaíochtaí slándála sóisialta a íoc,
- mí-iompar gairmiúil tromchúiseach, lena n-áirítear mífhaisnéis,
- calaois,
- caimiléireacht,
- iompar a bhaineann le heagraíocht choiriúil
- sciúradh airgid nó maoiniú sceimhlitheoireachta,
- cionta sceimhlitheoireachta nó cionta a bhaineann le gníomhaíochtaí sceimhlitheoireachta,
- saothar leanaí agus cineálacha eile gáinneáil ar dhaoine,
- neamhrialtacht,
- bheith ina cuideachta chaoch nó cuideachta chaoch a chruthú.

Le linn an phróisis iarratais, ní mór do gach iarratasóir dearbhú a chur isteach leis an bhFoirm Iarratais a dheimhníonn nach bhfuil aon cheann de na critéir eisiata thuasluaite i gceist leis an bPríomhúdarás Uirbeach nó leis na Páirtithe Tionscadail. Is cuid den Bhileog Dhearbhaithe atá i gceangal leis an bhFoirm Iarratais ar an EEP é an dearbhú seo. Tabhair faoi deara go gcaithfidh ionadaí dlíthiúil an Phríomhúdaráis Uirbigh an Bhileog Dhearbhaithe a shíniú ionas go measfar go bhfuil sé incháilithe le linn na Seiceála Incháilitheachta.

⁹ RIALACHÁN (AE, *Euratom*) 2018/1046 Ó PHARLAIMINT NA HEORPA AGUS ÓN gCOMHAIRLE an 18 Iúil 2018 maidir leis na rialacha airgeadais is infheidhme maidir le buiséad ginearálta an Aontais, lena leasaítear Rialachán (AE) Uimh. 1296/2013, (AE) Uimh. 1301/2013, (AE) Uimh. 1303/2013, (AE) Uimh. 1304/2013, (AE) Uimh. 1309/2013, (AE) Uimh. 1316/2013, (AE) Uimh. 223/2014, (AE) Uimh. 283/2014, agus Cinneadh Uimh. 541/2014/AE agus lena n-aisghairtear Rialachán (AE, *Euratom*) Uimh. 966/2012 <https://eur-lex.europa.eu/eli/reg/2018/1046/oj>

Le linn an nós imeachta roghnúcháin agus sula ndéanann an Coiste Roghnúcháin cinneadh críochnaitheach maidir le bronnadh na ndeontas, seiceálann an Bhuanrúnaíocht na hiarratasóirí sa Chóras Luathbhraite agus Eisiamh (EDES), an córas a bhunaigh an Coimisiún Eorpach chun cosaint leasanna airgeadais an AE a threisiú agus chun bainistíocht fhónta airgeadais a áirithiú¹⁰. Má bhraitear PríomhÚdarás Uirbeach san EDES, tugann an Ard-Rúnaíocht Bhuan fógra don iarratasóir, a bhfuil an deis aige ansin cosaint a chur i láthair roimh an gcinneadh deiridh ón gCoiste Roghnúcháin, i gcomhréir le prionsabal na comhréireachta.

9. CÉIM TIONSCNAIMH AGUS CONRADH

Clúdaíonn an Chéim Tionscnaimh an chéad sé mhí roimh chéim curtha i bhfeidhm an tionscadail. An aidhm atá aici ná le cinntiú go gcloítear leis na coinníollacha riaracháin go léir chun an tionscadal a chur i bhfeidhm go furasta agus go héifeachtúil agus chun dearbhuithe a sholáthar maidir le hullmhacht an tionscadail (bainistíocht tionscadail, tionscadail a chur i bhfeidhm, bainistíocht riosca). Is iad na príomhghnéithe a thugtar fúthu sa tréimhse seo ná oiliúint i mbainistíocht tionscadail (lena n-áirítear eolais maidir leis an gcreat tuairiscithe agus monatóireachta), comhlíonadh riachtanais riaracháin agus dhíthiúil le haghaidh tús an tionscadail, imeascadh moltaí an Choiste Roghnóireachta, an iniúchta *ex-ante* agus na seiceála ullmhachta. Aidhm eile atá ag an gCéim Tionscadail ná comhoibriú rathúil a bhunú idir an tionscadal agus an Ardrúnaíocht Bhuan.

Is próiseas atá fite fuaite sa Chéim Tionscnaimh é seiceáil ullmhachta an tionscadail chun fadhbanna móra gan choinne le linn an tionscadail a chur i bhfeidhm a sheachaint a oiread agus is féidir. Déanann an FLC agus an Ardrúnaíocht Bhuan seiceáil ullmhachta an tionscadail le linn an iniúchta *ex-ante* agus clúdaítear an réimse iomlán fadhbanna bainistíochta, riaracháin, airgeadais agus feidhmiúla gur féidir leo cur isteach ar an tionscadal a chur i gcrích agus ar thorthaí spriocdhírthe a bhaint amach. Dearbhaíonn an tseiceáil ullmhachta go bhfuil straitéis iontaofa agus a dhóthain réamhaíochta i dtaobh na n-ábhar a pléadh sa chuid bainistíochta riosca den Fhoirm Iarratais ag an tionscadal (i.e. bainistíocht tionscadail, acmhainn daonna chun an tionscadal a chur i bhfeidhm, ullmhacht do ghnáthaimh soláthair, amlíne réalaíoch, timpeallacht dhlíthiúil, cáipéisíocht a bhaineann le hinfheistíochtaí, suíomh agus údarais riaracháin...).

Mura gcríochnaítear an Chéim Tionscnaimh go rathúil laistigh den chreat ama beartaithe de 6 mhí (nó chríochnaíodh aon cheann de na céimeanna thuasluaite, nó bhí toradh diúltach leis an iniúchadh *ex-ante* agus/nó leis an tseiceáil ullmhachta) tá an ceart ag an Eintiteas ar cuireadh cúram air deireadh a chur leis an tionscadal agus é a bhaint den liosta EUI-IA de thionscadail faofa. Sa chás sin, ní íoctar ach an dá chnapshuim le haghaidh Ullmhúcháin tionscadail agus an Chéim Tionscnaimh. Má chuirtear isteach ar an

¹⁰ Airteagal 142, RIALACHÁN (AE, Euratom) 2018/1046 Ó PHARLAIMINT NA hEORPA AGUS ÓN gCOMHAIRLE an 18 Iúil 2018 maidir leis na rialacha airgeadais is infheidhme maidir le buiséad ginearálta an Aontais

gCéim Tionscnaimh sula gcríochnófar í (m.sh., tiocfaidh deireadh leis an tionscadal), ní scaoilfear ach an chnapshuim atá beartaithe do chostais Ullmhúcháin Tionscadail chuig an bPríomh-Údarás Uirbeach.

Is coinníoll *sine qua non* é Céim Tionscnaimh atá curtha í gcrích go rathúil chun cistiúcháin CFRE le haghaidh tús a chur leis an tionscadal a chur i bhfeidhm a fháil.

10. CONAS CÚNAMH A FHÁIL

Beidh foireann na hArdúnaíochta Buaine réidh le cabhrú má tá ceisteanna ag iarratasóirí le linn an Ghlaio ar Thograí EUI-IA - tá sonraí ar fáil ar suíomh an EUI. Sa bhreis air sin:

- Eagróidh an Ardúnaíocht Bhuan Seimineáir Iarratasóra i gcathracha éagsúla ar fud na hEorpa. Tá dátaí agus láithreacha na Seimineáir Iarratasóra ar fáil ar suíomh an EUI. Le linn na seimineáir seo, beidh an deis ag iarratasóirí cruinnithe déthaobhacha a chur in áirithe le baill na hArdúnaíochta Buaine agus/nó le hionadaithe an Choimisiúin chun a smaoineamh don tionscadal a phlé.
- Eagrófar seimineáir gréasáin ar ghnéithe faoi leith i dtaobh tionscadal a fhorbairt agus a chur isteach.
- Tá rannán C&F ar fáil ar suíomh an EUI agus reáchtálfar comhairliúcháin déthaobhacha ar líne.
- Tá an pacáiste iarratais (lena n-áirítear: na Téarmaí Tagartha, Treoir EUI-IA, Treoir theicniúil don Ardán Malairte Leictreonach (EEP), teoracha sonracha faoi conas an Fhoirm Iarratais atá ar fáil i ngach teanga AE ar an gcóras EEP a líonadh isteach, agus an Doiciméad Oibre Cúirtéise don Fhoirm Iarratais) ar fáil ar shuíomh an EUI.

11. EOCHAIRDHÁTAÍ

- **10/10/2022** – seoladh an chéad Ghlaio ar Thograí EUI-IA
- **10/2022 – 12/2022** – Seimineáir d'Iarratasóirí agus comhairliúcháin ar líne
- **19/01/2023 (14:00 CET)** – Spriocdháta chun Foirmeacha Iarratais a chur isteach
- **07/2023** – dáta tascach le haghaidh breith críochnaitheach ar fhaomhadh tionscadail
- **02/2024** — dáta deiridh Chéim an Tionscnaimh

- **01/03/2024** – deireadh an tréimhse Tionscnaimh agus tús dháta chun gach tionscadal faofa a chur i bhfeidhm

Táimid ag súil le bhur dtograí tionscadail a léamh go luath!